

重譯考訂東洋史要卷二目錄

中古祺 漢族全盛時代

第一篇 秦及西漢初

第一章 秦始皇帝諸政

第二章 秦之亡

第三章 楚漢之爭

第四章 高祖諸政

第五章 惠文景三朝之形勢

第六章 武帝諸政

第二篇 西漢之經畧外國

第一章 南方諸國與中國之關係

第二章 古朝鮮與中國之關係

第三章 匈奴之興

第四章 西域諸國沿革之大略

第五章 匈奴之衰

第三篇 西漢末至東漢初

第一章 武昭宣元四朝之形勢

第二章 外戚擅權王莽篡立

第三章 漢室中興與東漢之初

第四篇 佛教之東漸

第一章 釋迦以前印度之形勢

第二章 釋迦之出與阿輸迦王時代

第三章 大月氏之興與佛教之東漸

第四章 東漢與西域諸國之關係

第五篇 自東漢末迄西晉

第一章 東漢之衰

第二章 東漢之亡羣雄割據

第三章 三國鼎立至晉一統

第四章 西晉之亂

第六篇 五胡十六國南北朝

第一章 兩漢以還漢族與他族之交涉

第二章 前趙後趙之興亡

第三章 東晉時各國之形勢

第四章 後魏之興暨南北朝之分帝

第五章 後魏之外交與其國勢之全盛

第六章 後魏之分東西與齊梁之興亡

第七篇 隋及唐初

第一章 隋之盛衰及羣雄之割據

第二章 唐室之興

第三章 太宗高宗之盛及唐代之制度

第八篇 唐之經略外國

第一章 自漢末迄隋初朝鮮三韓之形勢

第二章 隋唐與高麗百濟新羅之關係及二國之亡新羅之混一

第三章 突厥未興以前西域諸國之形勢

第四章 突厥之興亡

第五章 吐谷渾党項吐蕃天竺與唐之關係

第六章 唐與中亞之關係大食之興波斯之亡

第七章 唐統理屬地法

第八章 唐代東西互市

第九章 諸教之東漸及佛教所由盛

第九篇 唐之中晚

第一章 武韋之亂

第二章 玄宗初政

第三章 安史之亂

第四章 唐中葉以後之外交

第五章 藩鎮之強

第六章

宦官之橫

第七章

唐亡羣雄割據



重譯考訂東洋史要卷二

日本桑原鷺藏原著

山陰金爲重譯

中古稷 漢族全盛時代

第一篇 秦及西漢初

第一章 秦始皇帝諸政

秦王嬴政卽位二十六年而統一天下。自號始皇帝。謂功兼三皇五帝。而爲萬世之始君也。始皇旣一天下。頻擴張帝權。務鞏固世襲之基。所行諸政如左。

(其一) 古封建之制。諸侯割據。政異俗殊。及始皇帝併六國。懲周末尾大之弊。納李斯言。舉海內而直隸於天子。析置郡。更析爲縣。郡縣之命吏。皆皇帝所親簡。於是中央集權之實政舉。而諸皇子及功臣。則朝廷分稅入以祿之。

(其二) 始皇帝變古官制。嚴別行政。兵馬、監察、三大權。不使一人兼擅。乃於中央政府。置太尉、丞相、御史大夫、諸官。太尉掌天下之兵。丞相總大政。御史大夫監視之。其他各地仿此。郡置守、尉、監。各一人。守以治民。尉以統兵。監則監察之。而皇帝綜掌三大權於上。故臣權輕而君威重。

(其三) 收天下之利兵。銷爲鐘鑠。徙天下之豪傑。萃諸咸陽。以杜亂源。

(其四) 始皇帝既破諸侯。寫仿其宮室。初築宮咸陽北阪上。取所得諸侯美人鐘鼓以實之。治馳道於天下。繼復營宮渭南上林苑中。先作前殿阿房。東西五百步。南北四十丈。役者七十餘萬人。尋建離宮於天下。凡七百餘所。皆窮極華侈。又屢巡遊天下。所至輒立石頌德。蓋誇示天子之尊嚴。欲以鎮民心也。

(其五) 時戰國之餘風未殄。天下之學者頗非議朝政。使民眩瞶。於是始皇帝遂從丞相李斯言。頒挾書之禁。收民間藏書詣守尉雜燒之。尋阮諸生四百六十餘人於咸陽。

始皇帝當權勢內充之際。爰騁其混一之餘威。奮志外征。拓疆圉於四表。欲藉以彈壓內亂。建威銷萌。

春秋之際。諸侯自相鬪。戎狄乘之。稍稍跋扈。顧未幾戰國七雄出。漸攘彼族於塞外。如秦、趙、燕皆拓地北邊。築長城。迨始皇帝併六國。命蒙恬將兵三十萬。虎視北邊。伐匈奴於河南。今內蒙斯多斥逐之。收其地。增築古長城。起臨洮。今甘肅鞏昌府岷州訖遼東。以備匈奴之入寇。又南畧取南越陸梁地。今兩廣及安南國皆是置桂林、南海、象郡。以謫徙民五十萬人戍五嶺。威振南荒。時秦疆域東接朝鮮。西至臨洮。南極百越。北蹈大漠。蓋視周代幅員維倍。

第二章 秦之亡

秦始皇帝三十七年，帝巡遊東南，道崩。時長子扶蘇在北邊，與蒙恬共防匈奴。丞相李斯與宦者趙高謀，欲立帝少子胡亥而擅權，祕喪矯詔，殺扶蘇蒙恬，遂還咸陽立胡亥。卽二世皇帝也。二世襲位，尤信任趙高，高勸使重刑辟而除舊臣。於是天下大權悉歸高。初始皇帝時，或興土木，或務外征，民弗堪，且思亂。及焚坑禍作，諸生四散，潛煽人心，而六國遺族世臣，亦所在謀恢復。顧憚始皇帝未敢遽發，至二世立，趙高用事，叛者四起，遂以亡秦。

二世元年，陳勝、吳廣起兵於蕲。

在今安徽蕲陽府宿州南。

勝自立爲王，號張楚。

遺諸將分徇地。劉邦起兵於沛，自立爲沛公。楚遣臣項梁與其兄子項籍亦起兵於吳。

今江蘇蘇州府治。

諸徇地者及齊魏諸國裔

皆據地自王以應之。勝兵勢大振，西逼秦，關東地全非秦有。二世大驚，遣章邯擊楚軍，敗之。益發兵遣董翳、司馬欣、佐邯，再敗楚軍。勝爲其下所弑。項梁用范增計，求得楚懷王孫心，立爲楚懷王。以從民望。邯復擊破魏齊聯軍，殺其王。更襲殺項梁，遂圍趙王於鉅鹿。

今直隸順德府內鄉縣。

秦勢

復張。項籍乃矯懷王命，殺大將宋義而代之。大破秦兵，邯等降。籍字羽，材武絕人。且以出楚名家故，素爲諸將所推服。至是始以功爲諸侯上將軍，兵皆屬焉。

初，楚懷王與諸將約，先入定關中者王之。時秦兵尙強，諸將莫利先入關，獨項羽願之。而諸老

將不許。謂獨劉邦素寬大長者可遣。乃遣邦收散卒而西。邦遂西入武關。時趙高專秦權。力事
雍蔽。數言關東盜無能為。及是懼二世怒。乃弑之而立其從子子嬰。子嬰族誅高。比邦至迎降。
秦稱帝僅十五年而亡。

第三章 楚漢之爭

劉邦既入關。召關中豪傑。告以諸侯約。先入關者王之。已當王此地。因約法三章。殺人者死。傷
人及盜抵罪。餘悉除秦苛法。關中悅服。

時項羽既定河北。率諸侯兵欲西入關。劉邦兵守函谷關。在今河南陝州靈寶縣者拒焉。羽擊破之。至鴻
門。在今陝西西安府臨潼縣東既嫉邦功。復憤其拒關。謀臣范增亦極言邦當為後患。羽遂決計擊邦。邦因

謀臣張良自明無他。復親詣羽軍陳謝。事始獲解。

羽怙其威勢。欲霸諸侯王。乃陽尊懷王為義帝。徙之長沙。今湖南長沙府自立為西楚霸王。都彭城。今江

蘇徐州府治論諸將功。定其封地。

羽固憚劉邦。靳封以關中要害地。顧又嫌負約。以巴蜀道險。秦遷人所居。乃曰巴蜀亦關中也。
立沛公為漢王。王巴蜀漢中。都南鄭。今陝西漢中府治而三分關中。王秦降將邯、雍、欣、攢、瑗輩。以距
塞漢道。邦怒羽背約。欲攻之。以蕭何諫就國。用張良參帷幄。運籌決勝。使蕭何筦內政。以給軍

需拜韓信爲大將。任戰勝攻取。日暮視隙東出。

羽封諸將。田榮見遺。陳餘缺望。皆怨怒。榮先自立爲齊王。餘亦尋立爲代王。東北境大擾。羽遣人弑義帝。自將北擊榮。時劉邦已出兵還定三秦。乘羽北征。更東嚮取河南。遂至洛陽爲義帝發喪。布告天下。聲羽弑逆罪。以五諸侯兵。凡五十六萬人。東伐楚。入彭城。

羽初雖聞邦出軍。顧以東北未平。故不能迎戰。及都城既陷。趣以精兵三萬還。大破漢軍。諸侯皆復降楚。邦收敗軍。拒滎陽。今河南開封府滎澤縣成臯。今河南開封府汜水縣以遮楚軍西上之途。別遣韓信徇

下河北諸國。合其兵南嚮。以絕楚軍糧道。

先是羽雖連破漢軍於滎陽成臯間。顧其驍將英布已歸漢。謀臣范增亦罷反間廢死。河北諸地皆屬漢。故勢浸不振。及韓信從後絕其糧道。羽恐。乃與漢約中分天下。鴻溝以西爲漢。以東爲楚。各解兵歸。羽遂引而東。

明年。邦從張良陳平計。背約追羽。會兵圍諸垓下。羽潰圍出。抵烏江。在今安徽和州東北自剄死。於是劉邦卽皇帝位。因初王漢。遂建爲有天下之號。是爲漢高祖。後世以其都長安。故別於東漢而稱西漢。

第四章 高祖諸政

高祖既壹海內。不可不乘時規畫以圖久長。顧其當務之急。尤在定功臣同姓之封地。與一切制度。

一、封建。

高祖未卽帝位之先。已封韓王信、

韓王

趙王張耳、楚王韓信、

齊

淮南王英布、梁

王彭越。其後又封長沙王吳芮、閩粵王無諸、燕王盧綰。外此諸功臣皆封徹侯。

方高祖之與項羽戰也。不惜高爵厚祿以餌梟杰。博其效死。迨天下既定。漸懼其逼。欲除之。諸功臣咸自危。楚王韓信首坐法國除。韓、趙、梁、淮南、燕、諸王亦先後懼禁網。六七年間。中原異姓王國滅亡幾盡。高祖深有鑒於秦以孤立而亡。乃悉收諸王國故地。分封昆弟及諸子。以備王室之屏藩。高祖末年。劉氏之王者凡九國。舍關中外。餘地強半皆爲所屬。各置百官。帝制自爲。儼如獨立國。天下租稅之入漢廷者。僅三之一。頗失內外輕重之宜。以致後此終釀吳楚七國之變。

二、制度。

高祖卽位。力反秦法。除苛解燒。務崇簡易。諸侯羣臣亦多起布衣。嘗與共艱苦者。未

嫻君臣之禮。於是博士叔孫通勸帝起朝儀。其禮大抵沿秦舊。主尊君抑臣。從此朝廷之氣象。嶄然一新。又嘗命蕭何次律令。韓信申軍法。張蒼定章程。規摹頗稱宏遠。惟一代官制政體。率本秦遺。識者譏其道雜王霸云。

第五章 惠文景三朝之形勢

高祖御宇八年崩。子惠帝立。皇后呂氏所出也。后有才略。自高祖存時即預政。頗爲諸王羣臣所憚。及惠帝卽位。多病不聽政。權歸太后。惠帝崩。遂臨朝稱制。封諸呂爲王。劉氏王多見殺。未幾呂氏死。大臣等與劉氏宗室謀。殲諸呂。迎立惠帝弟代王恆。是爲文帝。

文帝舊勞於外。能知民依。比卽位。專以仁儉率先天下。屢減田租。除嚴律。務卹民。故國用饒溢。後世推爲三代後治績冠。實則諸王桀驁之風。至是已極。文帝崩後亡何而七國之變作。

漢初諸王勢強。各養勝兵。據形勢。視漢廷儼如與國。及文帝一旦自代來。吳齊楚諸王恃其土廣民衆。頗易視之。於是漢廷亦漸籌抑制驕藩之策。文帝時。賈誼屢言宜割地定制。衆建而少其力。失今不治。必爲痼疾。文帝深納其言。於是齊分爲六。齊東北菑川膠西濟南淮南分爲三。淮南江北

無復彘勢。第吳楚猶擁大邦。往往不守漢法。比景帝嗣位。納鼂錯言。諸王一有罪眚。卽削其地。以張漢威。諸王以故怨漢。吳王濞故與景帝有私憾。遂先舉兵反。楚、趙、膠西、膠東、菑川、濟南、凡六國。從而應之。是爲吳楚七國之亂。齊、濟北、二國亦陰與通。七國兵復北結匈奴。南連閩東。越勢張甚。關中大震。景帝乃拜周亞夫爲太尉。使與諸將分擊七國。亞夫間行絕敵饒道。遂悉平之。時景帝前三年也。

自景帝平七國之亂。至武帝從主父偃之說。詔諸侯王得推恩以國邑分封子弟爲列侯。於是諸王國不削而稍弱。諸王侯雖各就國。然不使與國事。惟衣食租稅而已。羌無實權。封內別由朝廷簡國相蒞治之。實與郡有太守。而地直隸於天子者無異。於是封建勢成弩末。幾純以郡縣之治行之。

第六章 武帝諸政

景帝崩。子武帝卽位。武帝之世。漢極盛時也。席文帝勤儉之遺。國帑充實。復承景帝摧抑諸王後。帝權強大。適有雄才大略之武帝出於其間。宜其內則盛學校。獎文物。以潤色太平。外則勤遠略。征不庭。以宣鬯國威也。

自高祖創制。文景守文。學術雖興而猶駁。黃老申韓蘇張之學盛行。武帝卽位。雅嚮儒術。始罷黜百家。斷從孔子。舉賢良方正及孝廉。置五經博士及弟子。自是朝野彬彬。多文學士。而中國之學派。乃一於儒。孔子永爲萬世之師表。帝又好文。善爲辭賦。招選天下文學材智之士。拔其俊傑者寵用之。於是董仲舒、孔安國、以治經聞。司馬遷以良史著。嚴助、朱買臣等以論辨顯。司馬相如、枚臯輩以辭賦名。以及申公、兒寬、公孫宏、東方朔之屬。雲集於廷。文治稱盛。時諸王中有淮南王安頗好學。所招致者多華士。河間王德尤修學好古。以金帛招求四方善本。所得皆

先秦遺書。多與漢朝等。並爲後世所豔稱焉。

顧武帝之功業。尤著於外征。既用衛青、霍去病、破匈奴李廣利、破大宛王恢、破閩越楊僕、破南越荀彘、

破朝鮮李息、平西郭昌、滇平諸名將。頻闢地於四方。復命張騫、唐蒙、輩使絕域。通西域與西南夷。故

東極臨屯。今韓國江原道西蹈蔥嶺。南暨日南。今法屬中北至大幕。同漢今內外地先後內屬。視漢初

版圖不啻增倍蓰。茲以次臚敘於下。

第二篇 西漢之經略外國

第一章 南方諸國與中國之關係

春秋戰國時。江南地蠻夷所宅。楚、吳、越諸國民。多非漢族。故積爲中國所擯。及始皇帝併諸侯。始略南越陸梁地。開郡置吏。秦亂。南海尉趙佗因誅秦吏。擊併桂林、象郡。自立爲南越武王。及高祖定天下。遣使册封佗。俾和集百越。武帝時。佗卒。其孫胡嗣爲南越王。

南越北有閩越。都東治今福建更北有東甌。都東甌今浙江閩越王無諸。東海王搖。皆越句踐後。受

漢封。吳王濞反。東甌王從吳。及吳破。濞走保東甌。東甌殺濞以謝漢。濞子駒亡走閩越。怨東甌

殺其父。勸閩越擊東甌。閩越從之。東甌困甚。告急於漢。漢發兵浮海救之。未至。閩越兵解。東甌

乃舉國內徙。居江淮間。

閩越既北摧東甌。復乘勝攻南越。南越王胡告急於漢。武帝發兵討閩越王。王弟餘善殺王而降。武帝更立無諸孫繇君丑為越繇王。俾王閩越地。賞餘善功。立為東越王。畀以東甌故地。事始定。

南越王胡卒。再傳至孫興。幼。太后干政。后有淫行。國人不附。太后欲倚漢威自固。勸王內屬漢。國人距之。遂殺王太后及漢使者。武帝復出兵滅南越。東越王餘善陰與南越通。比南越亡。恐坐罪。遂反。尋伏誅。於是中國東南境悉定。時元鼎六年也。

中國西南部。即今四川、貴州、雲南、地、屬為西藏族。中國交趾族所萃。各戴君長。不屬中國。至戰國末。秦平巴府今四川重慶、蜀府今四川成都。楚亦降滇府今雲南。比秦混一。略通五尺道。諸西

南夷國。頗置吏焉。秦亡漢興。復成化外。迨武帝時。有唐蒙者。從蜀賈詢知蜀東南有夜郎國。上書於帝。請通之。說使內屬。時元光五年也。後張騫從西域還。具言由蜀通身毒即印度。帝乃令

騫等因蜀夜郎四出求身毒。見閉於夷屬。路莫由通。然得始通滇國。說之使自達於漢。自爾武帝益注意西南。逮既平南越。遂賈餘勇擊降且蘭府今貴州平越縣。邛今四川雷、笮今四川雅州。冉

駹今四川茂州諸夷。析置七郡。據為詳。河越嶺益。州武都。洗黎汶山。

第二章 古朝鮮與中國之關係

古朝鮮地。大抵西際漢遼東塞。以涓水今韓國平安南道平壤城東之大同江爲界。東傳海。今東朝鮮北則肅慎族叢焉。東則諸韓族萃之。

其種人蓋屬通古斯族。於遂古自北方遷來者。周滅殷。殷王族箕子偕國人五千。遷居朝鮮。遂王其地。子孫世守之。

漢初箕子遠孫箕準王朝鮮。會燕王盧綰亡。燕人衛滿率國人千餘來奔。遂襲破準而代王其地。時惠帝元年也。


滿既王朝鮮。迭征服四方。勢轉盛。傳子至孫右渠。適與漢武帝同時。負固不賓。反壅遏其旁衆國之欲朝貢於漢者。武帝乃發海陸大軍。分道進討。右渠善守禦。屢破

漢兵。後爲其下所殺。國遂亡。實元封三年也。於是其旁衆國亦相率降漢。武帝乃分其地置眞番、遼東、臨屯、樂浪四郡。遼東今遼寧省遼東市。臨屯今遼寧省鳳城縣。眞番今遼寧省新賓縣。樂浪今遼寧省平壤城。

今朝鮮半島南境。故皆爲諸韓族所萃。立國孔多。約分爲三部。馬韓、弁韓、辰韓。是也。馬韓據今京畿道以南。及忠清全羅一帶地。辰韓統今慶尙道之東北。而弁韓則據今慶尙道之西南。自武帝滅朝鮮。中國與三

韓、辰韓、是也。馬韓據今京畿道以南。及忠清全羅一帶地。辰韓統今慶尙道之東北。而弁韓則據今慶尙道之西南。自武帝滅朝鮮。中國與三

漢委奴國國王印




韓壤相錯。關係浸密。交涉亦以興。即日本與中國之交通。亦漸於是時發軔。迨東漢建武中元二年。日本九州境諸酋。遂有私遣使奉貢朝賀於中國。而受光武之印綬者。

第三章 匈奴之興

秦漢之際。中國以外東亞諸國中。惟匈奴為最强大。武帝外征之大旨。實不外一大創之而使不敢逞之一法。迨既南平夷越。東滅朝鮮。乃一意北嚮以擊匈奴。

匈奴於秦始皇帝時。雖驟見擯於塞外。然乘秦末中國亂。復漸侵塞內地。勢轉强大。其君長號曰單于。單于者。胡語天子之謂也。單于下有左右賢王。匈奴制。設官必置左右。左居東方。左賢王為之長。直上谷。今直隸宣化府以東。右居西方。右賢王為之長。直上郡。今陝西延安府以西。而單于庭介乎其間。直代。今直隸蔚州雲中。故城在今山西托克托廳漢初。單于冒頓有武略。弑其父頭曼而即位。東破東胡。西擊走月氏。南并樓煩。今山西當武府白羊。其王居河南今內蒙鄂爾多斯旗遂侵燕代。悉復秦所奪故地。漢諸王侯之叛

匈奴古蹟



者多降之。高祖嘗自將往擊。至平城被圍。危而幸免。自是不復與爭。厚與歲幣。且和親以懷柔之。匈奴益輕漢。呂后文景之際。屢寇北邊。及老上嗣爲單于。復大破月氏。遂奪其地。於是闐疆東接濊、貉、朝鮮。西際氐、羌。西今皆海西域北服丁零、堅昆。下俱見諸國南至漢塞。雖名與漢和。仍覘間盜邊不已。

及軍臣單于嗣。會雄才大略之漢武帝出。欲伐匈奴以雪恥。從將軍王恢議。將誘軍臣入塞而襲擊之。謀洩無功。自是匈奴絕和親。往往入盜邊。不可勝數。武帝乃命衛青等將兵擊走之。遂取其河南地。立朔方郡。復聞月氏爲匈奴所破。遁逃西去。常怨仇匈奴。無與共擊之。因遣張騫通使月氏。斯實漢通西域之濫觴。今略述其時西域之形勢如下。

第四章 西域諸國沿革之大略

先是自周顯王三十四年。希臘馬基頓亞歷山大王崛起。入亞洲。滅波斯。復征印度。建空前之一大帝國。居亡何歿於巴比倫。所部驍將塞留孤立爲西里亞王。君臨亞歷山大所征服之亞洲地。今波

亞 歷 山 大



斯灣紅海間之阿剌伯亦屬焉。阿剌伯即中國所謂條支國也。至塞留孤之孫安提阿庫二世時。其屬地拔克德里知事體我朶都。乘其國威之衰。獨立建拔克德里王國。據今阿母河兩岸地。中國謂之大夏國。時秦孝文王元年也。方大夏國之獨立。巴爾的亦效尤而背西里亞。其國王號亞賽西。中國所謂安息國也。安息與大夏同盟。屢破西里亞。式廓疆宇。至亞賽西四世時。

復與大夏開釁。攻破之。勢益強。大夏初征服身毒。威頗振。自為安息所敗。遽衰。會月氏自東轉徙而至。征服大夏。遂王其地。都媯水。母今河北之藍氏城。之今加布爾支爾為王庭。月氏蓋土耳其族也。本居敦煌。今新東。祁連。即天山西之昭武城。故城在今甘肅有河西地。謂黃河以西今甘肅涼州地勢盛。恆陵匈奴。及冒頓君匈奴。月氏始屢北。老上單于時復大敗。其國王戰死。餘衆西奔。破走塞王。塞王南越縣度而君屬賓。今阿富汗月氏居其地。後烏孫昆莫。號擊破月氏。月氏徙西。臣大夏。而烏孫昆莫居之。治赤谷城。今新月氏居其地。後


大夏貨幣



安息貨幣



大月氏貨幣



故烏孫民有塞
種門種羅月氏
 種云烏孫故匈
 奴西邊小國與
 月氏爲鄰匈奴
 攻殺昆莫父而
 收養之及壯數
 將兵有功復予

以其父衆令守西城。昆莫能用其衆。攻鄰部。浸疆大。乃率衆遠徙。中立。不肯朝會匈奴。
 綜計其時。蔥嶺以西。大國凡五。條支處極西。其東安息。安息東大月氏。大月氏東大宛。今俄國
省南屬賓。北康居。今俄國土大宛東。康居東南。卽烏孫。烏孫南。迤東。匈奴西偏。小國基布。凡三
 十餘國。其間差大者。有疏勒。今新疆疏樓蘭。直今甘肅敦煌。今諸國。故皆役屬匈奴。匈奴置僮
 僕都尉以領之。
 西域諸國形勢如此。會張騫方奉使月氏。道經匈奴。見留者十餘歲。然騫持漢節不失。後亡走。

西至大宛。說使爲發導驛抵康居。傳致大月氏。時大月氏既據肥饒地。少寇。志安樂。又自以遠漢。殊無報匈奴心。騫竟不能得要領而還。時元朔三年也。一從騫奉使西行。漢與西域交通之孔道始闢。

第五章 匈奴之衰

武帝謀與大月氏共圖匈奴。雖不成。然於其間屢出兵破胡。元朔五年。匈奴寇朔方。遣衛青率六將軍擊走之。鹵獲數十百萬。元狩二年。復遣霍去病帥大軍一再出隴西。謂隴山以西今甘肅慶陽府境。攻匈奴西方。深入斬獲尤衆。匈奴渾邪王。國於今甘肅涼州府境。遂殺休屠王。涼州府境。北地。今甘肅慶陽府境。攻匈奴西方。深入斬獲尤衆。匈奴渾邪王。國於今甘肅涼州府境。遂殺休屠王。涼州府境。并其衆來降。置五屬國以處其衆。而金城。今甘肅蘭州府皋蘭縣。河西。西並南山。即南祁連。至鹽澤。亦曰蒲昌海。即今羅布淖爾。空無匈奴矣。後二年。青去病復大破匈奴。追之度漠。青俘馘萬九千級。至寘顏山。趙信城。去病馘七萬級。封狼居胥山。禪於姑衍。以上諸地皆在今外蒙古喀爾喀境。而還。於是匈奴與西域道斷。勢漸蹙。漢則反是。元鼎二年。乃收河西地。置酒泉、武威、張掖、燉煌四郡。渡河自朔方以西。至今居。今甘肅涼州府平番縣。更從燉煌至輪臺。今天山南路古爾地。間分設兵屯田。自是漢威漸播於山南諸國。時烏孫勢益強。匈奴以其不朝會也。遣奇兵來擊不勝。以爲神而遠之。因羈屬之不大攻。及漢破匈奴。山南道關。張騫勸武帝與烏孫和親。斷匈奴右臂。招來其西大夏之屬爲外臣。武帝從

之。烏孫自是附漢。讎匈奴。時元封六年也。

先是元鼎六年，武帝遣兵討平西羌，始置護羌校尉統領之。至是既通烏孫，復欲通大宛諸國，使者一歲多至十餘輩。樓蘭、車師當道苦之，攻劫漢使。又數爲匈奴耳目。武帝乃遣趙破奴、王恢等擊虜樓蘭王，遂破姑師。因暴兵威以動烏孫大宛之屬，尋又以大宛逆命，不肯畀善馬故。

遣李廣利伐之，殺其王。於是大夏諸國震竦，相繼入貢。漢威丕振，因益發使抵奄蔡。後改名阿圖聊在今

亞速海濱犁軒，即大秦古羅馬帝國都條支，身毒國。而使者益得職。其後昭宣兩朝，有傅介子、

常惠、鄭吉、馮奉世輩，迭建功於西陲。天山南北，葱嶺東西，諸國悉降漢。漢使鄭吉爲都護，督察

康居、烏孫等三十六國，漢之號令，頒西域矣。

漢方威行域外，匈奴之勢益衰。軍臣單于以元朔二年死，閼八傳而至壺衍鞬單于，嫉烏孫親

漢，欲隔絕之。連發兵侵擊烏孫。烏孫昆彌即昆莫之音轉及所尙漢公主，皆上書求救。漢宣帝本始元

年，大發兵，遣五將軍，十五萬騎，分道出塞。校尉常惠護烏孫兵五萬餘騎，共擊匈奴。五將少所

得，獨烏孫兵昆彌自將，與惠從西方入，大破匈奴，獲名王騎將以下三萬九千餘級，畜產七十

餘萬頭。外此死傷無算。匈奴爲之衰耗。其冬匈奴復擊烏孫，會大雪，士馬多凍死。於是丁零後即

勒之高車鐵乘弱攻其北。烏桓東胡之一種居今内蒙入其東。烏孫擊其西，殺掠旣衆，重以餓死。

勒詳見下

人畜斃者幾半。匈奴大虛弱。諸國羈屬者皆瓦解。攻盜不能理。加以內訌增劇。骨肉相鬩。壺衍鞬之立也。其母闕氏后匈奴號殺先單于弟左大都尉。以故諸王將多怨望。去居其所。不肯復會單于庭。壺衍鞬後再傳而握衍胸鞬單于立。復與日逐王先賢揮有隙。日逐王卽率衆數萬騎因鄭吉降漢。在匈奴日逐王職。故居西邊。領西域諸國。比其來降。匈奴之西邊幾全沒於漢。時宣帝神爵二年也。吉旣破車師。節在三年地復降日逐。威振西域。遂拜護車師以西北道。故號都護。中

西域而立幕府。治烏壘城。

今新疆特耳

都護之置自吉始。後封安遠侯。

匈奴旣失右地。

即西方

強半。尋變復起於左。

即東方

諸貴人怨握衍胸鞬之暴虐。相與謀。別擁

立呼韓邪單于。握衍胸鞬擊之。反敗死。顧右地諸貴人不服呼韓邪。更奉屠耆單于。逐呼韓邪。於是匈奴大亂。五單于爭立。後并爲二。呼韓邪與其兄郅支單于戰敗。率衆降漢。賴漢擁護。得北還庭。定其國。郅支怨漢。右呼韓邪而不助己。殺漢使者。西徙堅昆。今俄國葉尼塞斯克與康居相結。引兵赴之。數借兵擊烏孫。勢轉盛。西域副校尉陳湯與都護甘延壽謀。矯制發諸國兵。及屯田吏士四萬餘人。襲郅支於康居。斬之。傳首京師。時元帝建昭三年也。於是呼韓邪且喜且懼。入朝。自言願婿漢家以自親。元帝乃以後宮良家子王嬙字昭君賜之。匈奴自是世稱漢甥。不復寇邊。

第三篇 西漢末至東漢初

第一章 武昭宣元四朝之形勢

武帝既好勤遠略。四征不庭。復信方士說。數益宮觀。盛巡幸。修封禪。帑爲匱。用大絀。於是以張湯、東郭咸陽、孔僅、桑弘羊等分領理財職用事。先後所行新法如左。

一、以白鹿皮爲幣。令直四十萬。又造銀、錫、白金、三品。令縣官漢時語皇帝之代名詞也此銷半

兩錢。更鑄三銖錢。盜鑄諸金錢者罪皆死。尋罷三銖錢。更令郡國鑄五銖錢。

二、禁民私鑄鐵器、鹽。天下鹽鐵皆縣官自管之。

三、初算緡錢車船。令商賈及諸手作等有儲積錢者。計其緡貫而稅之。輜車及船五丈以上者。皆有算。

四、置均輸。禁郡國鑄錢。令遠方諸州郡各輸其土地所饒。如異時商賈所轉販者爲賦。平其所。在時價。官自轉遷於所無之地賣之。而相灌輸。又置平準於京師。都受天下委輸。貴卽賣之。賤卽買之。以分商賈之利而平物值。悉禁郡國母鑄錢。專令上林三官水衡都尉掌三林苑園有上林鑄官辨銅三令卽此鑄。非三官鑄不得行。

五、令吏民得買官爵。及罪人贖罪。初置武功爵。爵十一級。級十七萬。凡值三十萬金。諸買爵至千夫。得除爲吏。繼又令吏得入粟補官。死罪得入贖。錢五十萬。減死一等。及贖禁錮。免減罪。

顧自賦重獄多。民困甚。益輕犯法。所在盜起不可弭。帝於是自悔往日之非。下詔謝天下。黜方士。止外征。輕賦稅。務休養民。

武帝崩。少子昭帝嗣。霍光受遺輔政。輕減徭賦。一意與民休息。天下安之。時帝兄燕王旦以年長不得立。頗懷怨望。皇后之祖。上官桀。以光專制朝事。亦憾光。遂與其子上官安及桑羊等謀。欲殺光廢昭帝而立旦。事洩。黨與皆伏誅。

昭帝崩。無嗣。霍光承上官皇后詔。迎立武帝孫昌邑王。尋以淫戲無度廢。更求武帝曾孫病已於民間而立之。是爲宣帝。帝興於閭閻。具知民事艱難。吏治得失。卽位初。政尙由霍氏。及光卒。始親政。勵精圖治。自丞相以下。皆安詳得職。每拜刺史守相。輒親見問。退而考察所行。常加意卹民。以爲太守吏民之本。不可數易。故太守有治績者。輒以璽書勉勵。增秩賜金。或爵至關內侯。公卿缺則選用之。於是趙廣漢。韓延壽。張敞。朱邑。龔遂。尹翁歸。諸良吏相繼出。當國之賢相。亦有魏相。丙吉。黃霸。于定國。諸人。漢代名臣。於斯爲盛。

帝旣勤內治。復慎邊防。神爵元年。使趙充國征先零。羌居湟中者二十種。先零其一也。諸叛羌。初。武帝開河西四郡。隔絕羌與匈奴相通之路。斥逐諸羌。不使居湟中。湟水出今甘肅西甯府塞外東流。合浩靈水。至蘭州府入黃河。及宣帝卽位。羌因緣渡湟水。郡縣不能禁。諸種豪解仇交質。相親結。謀爲變。邊吏誘斬其豪。於是怨怒

背叛。充國擊破先零。罷騎兵。留屯田。諸羌悉降。初置金城屬國以處之。帝又用常惠。馮奉世。鄭吉。陳湯。諸人。頻宣威於西域。卽暴抗如匈奴。亦於是稱臣款塞。洵漢室中興之英主也。

宣帝崩。子元帝卽位。初。秦以宦者趙高亡。漢興。仍襲秦制。置中常侍官。呂后及文帝時。皆有親倖宦者。至武帝數宴後庭。或潛遊離館。故請奏機事。多以宦人主之。宣帝繼用宦者宏恭。石顯。典樞機。及元帝立多病。尤委政恭顯。帝師蕭望之。周堪。宗室劉更生後改名向等。屢言宦者不可用。帝不聽。顯輩緣是惡望之等。乃與外戚許史相表裏。皆譖而去之。或死或廢。顯威權日盛。引黨友。擅威福。帝優柔不能制。漢業漸衰。

第二章 外戚擅權王莽篡立

成帝承元帝後卽帝位。黜石顯等。專任元舅大將軍王鳳秉政。封諸舅爲列侯。自是外戚代宦官用事。王氏之興自鳳始。遂啟新莽篡漢之漸。時王氏子弟。分據勢要。郡國守相刺史皆出其門。王章非鳳專權坐死。劉向上封事極諫。陳外戚之僭貴。明國祚之將移。成帝歎息而終不能用。由是羣臣不敢言王氏事。而王氏一門。亦多通達世務。好士養賢。傾財施予。迭收人望。繼鳳而執政者。爲其從弟音。音之後。鳳弟商。根。相繼當國。根病免。薦其從子莽自代。莽素饒機變。懷異志。謬爲恭儉。以欺世而盜名。名日盛。成帝後。經哀帝。莽廢於家。哀帝崩。復起。遂專政。迎

立平帝。進女爲后，以固其權。勢益張。其行政率緣飾周禮，以塗民耳目。天下吏民皆以莽比周公。上書頌德者，多至四十八萬七千餘人。莽遂弒平帝，立宣帝玄孫。年甫二歲，號爲孺子。自稱假皇帝。居攝者三年，遂即眞。改國號曰新。

第三章 漢室中興與東漢之初

莽既篡漢，舉凡官制、田賦、貨幣及其他一切制度，概以周禮爲師。顧政令紛更無常，橫挑邊釁，中外不堪其擾。加以法苛賦重，民多流離。所在盜起，天下復思漢。於是四夷交侵，豪傑並起。邊徼則東北西南皆亂。中原則淮泗江漢間亂尤甚。王匡等首起兵於荊州綠林山。在今湖北安陸府當陽縣

樊崇等亦起兵於莒。今山東莒州號赤眉。破莽兵，轉掠青徐間。漢宗室劉續及弟秀起兵春陵。在今湖北黃陂縣

一、諸將皆欲立劉氏以繫人望，乃共立劉玄爲皇帝。改元更始。進徇下昆陽。故城在今河南南陽府葉縣拔

宛。今河南南陽縣更始徙都之。莽聞更始立，大懼，使王尋、王邑爲將，大發兵四十二萬擊之。尋邑

縱兵圍昆陽。劉秀自將步騎千餘爲前鋒，小捷。尋邑兵卻，諸部共乘之。大破莽軍。於是海內豪傑翕然響應，皆殺莽官。用漢年號。旬月間徧於天下。漢兵進克長安，斬莽。莽稱帝十五年而亡。更始遷都長安，大封宗室功臣。

更始遣劉秀徇河北州郡。會王郎稱帝於邯鄲。今直隸廣平府邯鄲縣勢頗盛。銅馬諸賊亦所在寇掠。秀

先擊斬郎。更始遣使立秀為蕭王。令罷兵。初，更始嘗以猜忌故殺秀兄縝。秀傷之甚而不敢顯

懟。至是納諸將耿弇等言。辭以河北未平。不就徵。始貳於更始。尋破降銅馬諸賊。河北河南河今

南府衛悉定。

初，赤眉帥降更始。既而逃歸。數攻拔河南郡縣。遂西攻長安。以劉盆子稱帝。更始降。尋見殺。時

秀業受諸將勸進。即皇帝位於鄴。漢縣故城在今直隸趙州高邑縣南。是為光武帝。尋定都洛陽。史家以洛陽

在長安東。故別於西漢而稱東漢。

光武既即位。使鄧禹、馮異等躡赤眉而攻長安。遂降之。於是河東、今山西汾州府上黨、今山西潞安府暨關中、

並略定。顧其時雄長割據者尚夥。公孫述據益州。及漢中。隗囂據天水。漢郡故城在今甘肅涇州府通渭縣西。

竇融據河西五郡。武威張掖酒泉敦煌金城盧芳詐稱武帝曾孫。得匈奴助。據九原。今內蒙古毛明安部高柳。漢縣故城在今

山西大同府陽高縣一帶地。其他青、兗、徐、揚、間。羣雄所在阻兵。不服漢。光武先使吳漢、耿弇等平江淮山

東。尋命來歙等西度隴。破降隗氏。吳漢等南伐蜀。殺公孫述。河西竇融已先歸命。盧芳來降不

果。死於匈奴中。地悉歸漢。中間漢將吏彭寵等之反者。均不久即平。交趾牧守亦遣使貢獻。

逮建武十八年。交趾土人叛。勢頗張。帝遣馬援擊之。遂平嶠南。於是漢復一統中國。

海內旣一。帝投戈講藝。慎法勤政。退功臣而進文吏。懲西京外戚擅權。躬攬萬幾。首興太學。修明禮樂。身致太平。復慨成哀以來。士習諛媚。欲矯勵風節。因優禮處士。周黨嚴光等。故東漢一代。學術頗盛。而節義之士亦多。

武帝崩。子明帝立。敬承遺規。典學勤政。時吏得人而民安業。國幣實而戶口豐。繼以章帝。政崇寬大。薄賦輕徭。自光武迄孝章。凡六十餘年。海內清晏。會佛教從天竺度即印。寢假東漸。遂傳諸中國。其與東亞文化。相關頗鉅。凡佛教之所繇興於天竺。而施及東方者。詳見下篇。

第四篇 佛教之東漸

第一章 釋迦以前印度之形勢

阿母錫爾兩河間。固阿利安人種之故鄉也。其一支約從邃古四千年前。去而南遷。渡印度河。卜居今旁遮普地。時分無數小部。各戴酋長。無事則服農業。有事則卽戎役。其酋長之於所部。戰時則率以禦敵。祭時則代爲祈福。初未嘗有種姓職業之差。自戶口漸增。土地亦漸闢。祀事因之專歸一種國民世襲。遂爲婆羅門種姓所由生。又彼族漸拓疆域。與鄰境土人爭鬪。日益劇。聿有專司戰事者。卽爲刹帝利種姓所由生。要之婆羅門世司祭祀於一方。刹帝利世任敵。隸於四境。外此之阿利安人種。類爲農若商。委身實業。而原有土民之服從阿利安人種者。則

爲奴隸。卽賤役。故當阿利安人種於恆河日即恆流域分立諸小國之時。其國民共分種姓爲四等。

種名	族籍	職司	人種
一 婆羅門	僧族	司祀事	阿利安人種
二 刹帝利	王族	主軍國事	非阿利安人種
三 吠舍	平民	事實業	
四 首陀	奴隸	執賤役	

婆羅門不第司祀事而已。彼族所世守者。爲阿利安人種從古相傳之經典。曰韋陀。必不可不精究之。此韋陀之注脚。爲優波尼沙土。極奧如曠如之妙。將由是而覘世界種種之真相。人生之旨趣。罔不冰解理釋。因之遂生婆羅門哲學數十派。彼曹復肇精醫學、天文、數學、倫理學、之屬。爲其普通之教育。要之其人於凡有益於濬智源者。均不可不肄業及之。爾願彼婆羅門者。於宗教、於哲學、暨其他學術。已擅有一切精神上之大權。幾閱歲時。因古來阿利安人種。尤崇信造化之神。乃附會梵天神聖已族。規定摩奴法典。據以自張。謂已種姓直與



釋 迦 牟 尼

搖。會佛教祖師釋迦牟尼崛起於印度。遂實行一空前之大改革。

第二章 釋迦之出與阿輸迦王時代

梵天同體。他族不服。間反唇。輒繩以苛法。專橫乃爾。久之他族積不能忍。直中國周中葉時。刹帝利族首起抗拒以嘗之。尋波羅門族哲學家。亦多排觝已族之流弊。甚至有議及所憑藉之韋陀者。於是婆羅門族之本漸

釋迦牟尼成佛地



佛教祖師名瞿曇悉達。多一作喬答摩悉達。或號為釋迦牟尼。中印度迦維衛國。在今印度哥爾克波爾附近王子也。生於周靈王之十五年。約與孔子老聃同時。釋迦見人類不能脫離生老病死四者之苦。素具厭世觀。遂出家入山。求解脫法。新闢一宗教。力反婆羅門所為。唱說平等主義。抉差別種姓之藩籬。謂一切衆生。不問其所自出。但能杜絕邪慾。脫離世網。即皆可於未來受無量福。以周敬王四十三年入般涅槃。釋迦入滅之歲。其高弟摩訶迦葉。會佛弟子五百人於王舍城。所謂曷羅剎結利迦在印度度巴哈爾之西南為第一次會。厥後閱百年。邪舍佉為主。會佛徒七百

人開第二次會於毗舍離。佛教徒謀漸廓其新教。而向爲婆羅門所抑諸族。皆樂從之。第釋迦入寂後凡二百年間。佛教勢力大抵限於恆河濱。未獲遍印度全境。迨周慎靚王元年。毛利耶王家勃興於中印度。摩揭陀國。佛教得其護法皈依。始獲傳布於四方。

先是釋迦住世時。會波斯國興於西亞。其王大流士嘗將兵南進。侵入印度。僅掠今旁遮普地而去。厥後凡閱二百年。希臘王亞歷山大滅波斯。陟大流士之迹。復用兵於印度。周顯王三十八年。入咀叉始羅。即今旁遮普部之拉烏爾奔的城。降西印度之諸侯。破北印度霸王波路王。更進而思征服中印度。以兵士皆苦炎歊。憚征進。於是置戍於其地。而班師。居亡何王卒於巴比倫。部將塞留孤承其後。建西里亞王國於西亞。復謀侵略印度。

時印度有旃陀羅笈多者出。乘亞歷山大之侵入印度。全國擾動。起而建毛利耶朝於摩揭陀國。在今孟加拉部乾吉思河南跨桑河兩岸。逐希臘之殘兵。塞留孤乃帥兵入印度。與笈多戰。迄媾和。以女妻之。且畀以印度河東地。於是笈多屬地。跨中北西三印度。勝兵六十萬。威震四鄰。笈多之孫。卽最著之阿輸迦王。亦即佛經之阿育王。於周赧王五十四年嗣摩揭陀王位。先是毛利耶家以出自首陀種姓故。歷來頗獎勵佛教。至阿輸迦王之世。遂以佛教定爲國教。爲籌廣其傳之術如左。

(第一) 會僧侶一千人於國都波吒釐子城。度所謂巴連之弗即今印開第三次會。確定佛教之主

義。

(第二)頒法令。以佛敎主義。遍諭國民。

(第三)廣遣宣敎僧於外國。

於是西從大夏。南抵獅子國。今錫舉印度全境。皆化於佛敎。益以佛敎徒之宣敎。時遠至埃及。

西里亞。諸國。故世稱佛敎之昌於世。良由經阿輸迦王之保護始。

阿輸迦王歿於秦始皇二十六年。未幾毛利耶朝亡。參迦。康維阿。兩朝。相繼王摩揭陀國。俱極衛佛敎。先是安德拉朝興於南印度。勢寔盛。至漢成帝河平三年。遂併摩揭陀國。王中南兩印度。

自佛敎勃興。婆羅門敎受一鉅創。顧猶未全湮。從安德拉王朝時。漸復厥勢於中印度。至與佛敎相角。佛敎於中印度勢差損。會大月氏已據印度西北境。力衛佛敎。北印度遂爲一時佛敎之中心。

第三章 大月氏之興與佛敎之東漸

方月氏之西擊大夏而臣之也。分其國爲五翎侯。休密 雙靡 都密 治之。大夏餘衆。或西南踰興都庫什山。傍今喀布爾境。建高附國。稍略今旁遮普地。而服屬於安息。至漢武帝元鼎六年。其先

見逐於大月氏而南君屬賓之塞種。漸得勢。遂自旁遮普併印度河下游地。雄視北西兩印度。顧未及八十年。其勢驟衰。會大月氏貴霜侯翊丘就卻攻滅四翎侯。自立爲王。國號貴霜王。又破濮達。巴爾的蓋指安息南併高附。更伐塞種於屬賓。其子閻膏珍王勇武有父風。遂討滅塞種。併西北兩印度。自此大月氏最爲富盛。諸國稱之皆曰貴霜王。後昭武九姓之何國一名貴霜。匿即本此。

自阿輪迦王布教以來。佛教行於中亞部。大月氏故亦奉之。及漢明帝永平三年。迦膩色迦王君六月氏。尤雅嚮佛法。會五百僧侶於屬賓。爲第四次會。時婆羅門教徒之氣燄。漸恢復於中印度。佛教徒多來集於大月氏。中有馬鳴、世友、諸名僧。北印度維時爲佛教之中心。惟南印度先因阿輪迦王長子摩醯因陀羅傳法故。佛教已固其根據於獅子國。此類南印度之佛教徒。未預於第四會。故佛教自是分南北二大部。南方佛教以獅子國爲中心。傳教印度諸國及南洋諸島。北方佛教以北印度爲中心。流行於大月氏之屬境。自西北兩印度。經中亞。囊括葱嶺以東于闐、疏勒、諸國。故天山南路地。未幾佛法遂昌。會中國漢明帝出。銳意關疆。與西域之關係滋密。佛法於中國境。寔獲東漸之機。故次章於東漢與西域之關係。不可不詳述之。

第四章 東漢與西域諸國之關係

自西漢宣帝時。呼韓邪單于朝漢後。匈奴久不寇邊。及王莽篡漢。頗凌匈奴。匈奴怨甚。東連烏

桓鮮卑諸胡。西誘西域各國。迭擾北邊。光武既定天下。厭兵重啓邊釁。匈奴於是益驕。歲掠并
雍邊境。會日逐王比與單于

蒲奴有隙。建武二十五年。遂

自立爲南單于。仍襲呼韓邪

號。奉藩稱臣於漢。入居西河

美稷。漢縣。故城在今內蒙古
鄂爾多斯左翼中旗。

匈奴從此分南北。相軋不已。

北匈奴亦乞和於漢。然反覆

無常。至明帝初年。威服西域諸國。勢轉盛。數寇漢邊。明帝遂決意討之。永平十六年。命竇固、祭

彤等會南匈奴衆大舉。破北匈奴。取伊吾盧。今新疆哈密縣地。竇固旣破虜。欲效武帝通西域以綏北

虜之勢。乃遣班超使西域。

東漢初。西域諸國多願內屬。以光武不許故。乃復附匈奴。至是北匈奴之威勢。幾遍西域。超旣

奉使。先傍南山行至鄯善。卽西漢之樓蘭也。鄯善王嚴事北匈奴使。奉超轉懈。超乃夜襲殺北

匈奴使。鄯善王震怖降漢。超又西行降于闐。兼定疏勒。方超建功西域之際。竇固亦擊降車師。

班

超



於是漢再振威西域。復置西域都護。戊己校尉。以監諸國。然龜茲焉耆之屬。尙附北匈奴不降漢。明帝崩。二國攻沒都護。中國方有大喪。救兵不卽至。車師復叛。與北匈奴共攻校尉不克。尋救至。北虜驚走。車師後降。漢廷絕意於西略。詔罷都護校尉。徵還超。超爲西域所留不得發。乃上疏請遂平諸國。章帝知其功可成。遣兵就之。超遂發疏勒于闐兵。先降莎車龜茲等國。又破大月氏之兵。和帝永元三年。復置西域都護。以超任之。六年。超復討斬焉耆王。於是西域五十餘國。悉納質內屬。至於海濱四萬里外。皆重譯貢獻。

北匈奴黨衆離叛。遽衰耗。諸國復乘其隙。南匈奴攻其前。丁零寇其後。鮮卑擊其左。西域侵其右。勢益蹙。鮮卑復大破之。斬單于。北匈奴五十八部降漢。初竇太后兄憲有罪。自求擊北匈奴立功自贖。永元元二三年。疊遣兵擊北匈奴。大破之。圍諸金微山。在漠北去朔方五千餘里單于遠遁。出塞五千餘里而還。自漢出師所未嘗至也。單于尋爲烏桓鮮卑所殺。北庭遂空。二族從東來分據其故地。匈奴餘衆之留者。皆臣服之。由是寢盛。鮮卑尤強。至魏晉之際益大熾。

西域諸國既皆附漢。南匈奴稱臣。北匈奴幾聚殲。塞外全境。咸列版圖。漢威方浹於葱嶺東西。會大秦卽羅馬國亦頻拓地於亞洲西境。屢破安息。班超聞其國富強。遣椽甘英使之。英抵條支。臨大海。據魏畧從安息界安谷城乘船直欲渡。爲安息西界船人所止而還。超以永元十三年

徵還。旋卒。任尙代爲都護。性嚴急。頗失邊和。西域諸國並叛。漢廷議棄西域。於是罷都護。時安帝永初元年也。爾後漢之威令。不復行於西陲。雖然。以造因孔洪。餘威猶赫。故其奏果聿肇二要點。卽海上之交通。與佛教之傳入是也。

一、海上之交通。中國之於世界。蠶絲之本產地也。蠶絲所織成之綾錦。華而韌。劇中異邦人之欲。從邃古時。已闢販路於波斯印度之互市。經中國以西諸國人之手。輾轉裨販而西。迨亞力山大東征以來。更輸入歐洲。羅馬市人得之。珍重弗置。以中國呼蠶音如瑞。故遂謂蠶爲散立克姆。謂絲爲三立克姆。目估客爲希臘文。猶言買絲賈也。目中國爲哀爾利司。猶言產絲地也。願織物之貿易。踐更多手。值頗昂。自東漢初。大秦頻拓境於亞西。習聞中國富盛。思通之。爲安息所遮不果。及後破安息。取今波斯灣地。大秦王安敦乃遣使從海道首途。經天竺海。趣日南徼外。以通中國。時桓帝延熹九年。安敦卽羅馬帝安敦尼奴祕烏也。厥後三國時。大秦賈素論來交趾。中國估舶亦時往來於師子國左右。時日南。謂今安南之南交趾。今東地實東西兩洋交通之樞紐。西賈萃焉。其地已於光武時爲馬援所征服。歸漢版圖。闢新路於南嶺。以便交際。海道互市頗盛。至兩晉時。以中國內亂相繼。益以邊吏貪賄重征。互市爲之遽衰。

二、佛教之傳入。初。西漢時武帝討匈奴。獲休屠王祭天金人。張騫使大夏。始聞有浮屠教。哀

帝時。秦景憲受大月氏王使伊存口授浮屠經。佛教之浸潤。已及中國。顧其傳猶未廣。迨東漢明帝朝。聞西域有神。其名曰佛。遣蔡愔之天竺。得其書。及攝摩騰、竺法蘭、二沙門譯音也。以來始傳其道。因立白馬寺於洛陽。時永平八年也。厥後漢威涉西域。東西之徑塗大闢。梵僧之來中國者寔夥。支婁迦讖從月氏。安世高從安息。竺佛朔從天竺。康孟祥從康居。相繼來華。從事譯經。而東漢諸帝。亦多皈依之者。以故漢末佛教漸播。迨南北朝。隋唐間遂極昌盛。

第五篇 自東漢末迄西晉

第一章 東漢之衰

東漢初。光武、明、章三朝。國運孔昌。逮和帝立。漸呈衰頹。兼以東漢諸帝。類不幸蚤世。故其繼體多冲人。主幼則母后臨朝。牝晨則戚闈干政。戚與闈之專橫。實亡東漢之二大禍水也。其一、外戚之專。初。光武中興。以西漢爲殷鑒。躬攬魁柄。防閑戚畹。及章帝寵任后族。竇氏一門。外戚勢寔強。章帝崩。太子和帝立。年甫十齡。竇太后臨朝。其兄憲用事。以破匈奴功爲大將軍。威權震主。遂謀爲逆。和帝與宦者鄭衆定策誅憲。盡黜其黨。中官用權自此始。和帝後。閹殤帝而至安帝。卽位年甫十三。和帝鄧后兄騭輔政。後以中官讒廢死。帝旣黜鄧氏。更任后閹氏兄顯。未幾帝崩。顯等迎章帝之孫北鄉侯入卽位。擅威福。北鄉侯尋薨。宦者孫程等謀誅閹氏。

立安帝故廢太子。是爲順帝。帝以后父梁商爲大將軍。商卒。其子冀繼之。順帝崩。閔沖帝而至。質帝冀惡其聰慧。進毒弑之。立桓帝。時冀一門布滿朝列。專恣靡忌。桓帝乃與宦者單超等謀。盡誅梁氏。宦者遂以功代外戚執政。馴至勢凌朝廷。

其二宦者之橫。東漢自和帝以後。母后臨朝。因之內外傳宣。概經宦者之手。權勢日益重。兼以諸帝誅鋤外戚。必倚中官。中官怙功。如虎傅翼。自單超等助桓帝斃梁氏。天下大權。悉歸宦者。遂至無可如之何矣。

直宦者居中弄權。天下雄駿君子。發憤於外以抗之。初自光武獎勵名節。累朝繼志。薦舉徵辟。必采時望。遂寢成一代風尚。至東漢末而極。桓帝時。名士李膺、陳蕃等。競激揚氣節。指斥宦官。時大學諸生三萬餘人。郭泰、賈彪爲之魁。亦頗承其風。與膺等相結託。銳意臧否國政。褒貶朝臣。宦官輩嚴憚之。謀覘機以相傾陷。會膺及其同志。於赦後案殺宦黨。宦者乃誣告膺等。與大學遊士。共爲部結黨。誹訕朝廷。於是帝怒捕黨人。皇后父竇武故與黨人善。上疏救之。膺等獄辭亦多連宦者子弟。宦者懼。白帝赦黨人。禁錮終身。是爲東漢黨錮之禍。實桓帝永康元年也。膺等雖廢。名益高。天下至皆以列名黨籍爲榮。桓帝卽以是年崩。無嗣。竇后臨朝。迎立章帝元孫。是爲靈帝。竇武爲大將軍。引蕃膺等諸名賢並列於朝。蕃等謀與武誅宦者。議泄。宦者誣以

大逆。殺蕃武膺以下百餘人。坐死徒廢禁者六七百人。凡與宦官不合者。幾一舉網盡之。

第二章 東漢之亡羣雄割據

宦者跋扈於中。名士廢錮於外。太平望絕。人心思亂。有張角者。以妖術聚徒衆數十萬。倡亂於八州。青徐幽冀荆揚兗豫皆著黃巾爲識。旬月間天下響應。朝廷命皇甫嵩等討之。曹操、劉備等皆以兵屬嵩。會角死。嵩與角弟梁、寶戰。皆破斬之。然其餘孽出沒四方。久不能靖。朝廷乃出重臣爲各州牧。俾戡定所屬之亂。自是外權漸重。遂開羣雄割據之端。

靈帝崩。皇太子辨嗣位。太后何氏兄進執政。與袁紹謀。欲誅宦官。召將軍董卓兵於河東。山西

境南未至謀洩。宦者襲殺進。紹亟以禁兵捕諸宦者。無少長皆殺之。桓帝以來。宦官弄權者三十餘年。至是無噍類。時卓已率兵來京師。欲擅威福。廢帝辨而立其弟獻帝。紹爭之不得。乃東走。

檄天下討卓。紹素有威容。且以門望高故。雅爲人士所歸嚮。於是關東州郡皆起兵討卓。推紹爲盟主。卓迫獻帝西遷長安。自留雒陽。出戰敗。亦引還。然關東諸將皆懼卓。無敢西者。時獻帝初平元二年也。

董卓出入長安。凶暴滋甚。司徒王允。以計誅之。卓餘黨復起。殺允。然衆無主。交鬩不已。關中大亂。獻帝流離播遷。至建安元年。乃還雒陽。

先是獻帝西遷。中原無主。關東諸將。力征經營。并兼坐大。公孫瓚威行於遼左。公孫瓚虎視於幽州。袁紹處其西而據冀并。曹操據兗州。而豫揚之間。則爲紹從弟術所有。劉表據荊州。孫堅據長沙。紹術以門地聲望相埒。故積不相能。術結瓚及堅。紹連表。互相攻伐。操獨離立其間。以伺隙。及獻帝還洛陽。操遂入朝。移駕幸許。河南開封府許州挾天子以令天下。勢驟強。乃先南擊術滅之。河濟江淮之地。咸入於操。

方操之振勢於河南也。紹則據鄴。今河南彰德府臨漳縣而拓地於河北。已遂滅瓚而併有其地。勢與操

不兩立。建安七年。兩軍相拒於官渡。紹大敗。慚憤而卒。其二子爭立國亂。操乘之。遂滅袁氏。悉

定河北地。乃擊烏桓。烏桓素爲紹所厚。紹子尙兄弟往投之。數入塞爲寇。欲助尙復故地。至是

大破之。其族驟衰。尙兄弟奔遼東。公孫康。九年度卒誘斬之。送其首於操。操於是統一兩河。勢

傾天下。遂南擊劉表於荊州。表卒。其子琮舉州降。先是劉備來依表。屯樊。即今樊城在襄陽縣北南臨漢水備

故以討黃巾賊起。顧軼軻不得志。與其將關羽。張飛。流寓四方。嘗依操。頗見優禮。後窺操有不

臣之志。謀誅之。事不成。走依袁紹。紹敗。更詣表。表亦善視之。備嘗於隆中。山名在今湖北襄陽府襄陽縣西得

名士諸葛亮。及是亮勸備求救於江東。與孫權合禦曹軍。

孫權。堅之子。策之弟也。堅先據長沙。及與劉表戰敗歿。策有大志。往見袁術。術甚奇之。以堅餘

兵還策。策遂平定江東。自據其地。覩曹袁方爭。欲乘虛襲許。奪天子以號令天下。未發而卒。權繼之。專務自守。不復北上圖進取。至是納備。與之并力拒操。

操躡備。沿江東下。衆號八十萬。權謀臣周瑜。以精兵三萬。拒操於赤壁。山名在今湖北武昌府嘉魚縣東北用火

攻大破之。操軍死者大半。乃引軍北還。備徇荊州江南諸郡。皆降之。時建安十三年也。

當關東大亂時。劉璋據巴蜀地自守。及周瑜卒。魯肅繼其後。勸權借備以荊州地。與共拒操。權

從之。備遂泝江入成都。降劉璋。既定巴蜀。權從備索還荊州。不應。爭之力。始以湘水爲界而中

分之。備留關羽於江陵。今湖北荊州府江陵縣使防權與操。而自將以圖漢中。

自董卓亂後。關中久爲羣雄割據地。操一旦兵鋒西指。而關中漢中相繼定。備乃北嚮進兵以

爭之。遂取漢中。時海內羣雄略盡。聿成天下三分之局。

時獻帝雖尙在位。政由曹氏。及操卒。子不嗣。遂迫帝禪位。自光武帝至是。凡百九十六年而東

漢亡。

第三章 三國鼎立至晉一統

曹丕卽位。國號魏。都洛陽。是爲魏文帝。劉備聞之。亦卽帝位。所謂蜀漢昭烈帝也。世以昭烈爲

漢裔。故稱其國號曰蜀漢。以別於西東兩漢。尋孫權亦稱帝於建業。今江蘇江甯府治建國號曰吳。魏

蜀吳三國雖鼎立。然惟魏爲最強大。蜀吳恆并力禦之。故驗諸事實。南則蜀吳。北則魏。良不過二方之互角耳。

先是操與備爭漢中。關羽自江陵出取襄陽。將龔許。操大懼。說孫權使斷其後。羽腹背受敵。遂爲吳軍所殺。及備卽位。自將伐吳。欲以復害羽之讎。吳降魏。藉免後顧憂。專拒蜀。蜀吳相攻累月。吳將陸遜破蜀連營。昭烈帝敗績歸。大慙恚。尋崩。太子禪嗣。諸葛亮輔政。先修好於吳。吳從此與魏絕。專與蜀和。

諸葛亮自與吳和。養國力。足兵食。先討定南夷之不服者。以弭內顧憂。遂率諸軍伐魏。帝禪建興六年。進圍祁山。在今甘肅隴西諸郡多應之。魏遣張郃拒亮。蜀將馬謖違亮節度。大敗。亮乃還漢中。後屢伐魏。然以糧道不繼。故恆不得志。於是建興十二年。悉衆十萬復伐魏。分兵屯田。爲持久計。又約吳使侵魏。時魏文帝已殂。明帝在位。使司馬懿拒蜀。而自將却吳。亮屢挑戰。懿堅壁不應。未幾亮卒於軍。蜀師引還。

方漢末擾亂時。公孫度據遼東。東擊高句麗。西破烏桓。大闢疆宇。子康嗣。與魏通好。至孫淵。屢通吳。魏明帝遣司馬懿滅之。併其地。明年殂。太子芳立。司馬懿與曹爽受遺詔輔政。爽有專橫迹。懿殺之。而身獨秉權。力謀化家爲國。自曹操以來。魏諸帝多涼薄。猜害骨肉。復不任外戚。帝

室孤立。遂爲司馬氏篡奪之資。懿卒。子師繼執政。魏主芳憤其專恣。師遂廢芳而迎立明帝之族子髦。師卒。弟昭襲職。封晉公。魏主髦見威權日去。謀誅昭。反爲其黨所弒。昭迎立文帝之族子奐。是爲元帝。而威福之魁柄。盡旁落於司馬氏。

時蜀老臣先後凋謝。姜維用事。負其才武。屢侵魏。國力外竭。而帝禪復寵任闕官。紀綱內殺。司馬昭知之。以帝禪炎興元年。遣鍾會、鄧艾爲將。率大軍伐蜀。姜維拒會於劍閣。在今四川保寧

鄧艾由陰平

今甘肅階州文縣

間行出其背。猝逼蜀都。帝禪遂降。自昭烈帝至是凡四十二年而亡。

昭旣滅蜀。威望益高。進爵爲晉王。及子炎嗣。迫魏元帝令禪位。是爲晉武帝。魏稱帝凡四十五年而亡。晉旣併魏蜀。乃徐圖吳。

吳主孫權殂後。權臣孫綝、孫綝等相繼擅威福。朝政頗紊。自權三傳而至孫皓。暴虐無道。民心離畔。惟以名將陸抗尙存故。晉猶未敢遽逼。及抗卒。晉武帝乃遣杜預、王濬等渡江克建業。吳主皓降。自三國鼎立。凡六十載。至晉太康元年。始復混一。

第四章 西晉之亂

武帝初政。頗勵精圖治。自滅吳後。漸驕怠。內耽遊宴。外撤州郡武備。卒遣後日之大患。武帝崩。子惠帝立。不慧。皇后賈氏多權譎。干預朝政。內憂外患。同時並興。晉室遂一蹶不復振。

初武帝有鑒於魏之失策。乃封子弟於四方。使諸王之勢積重。乘惠帝愚闇。競懷覬覦。武帝之崩也。其叔父汝南王亮受遺輔政。武帝后父楊駿矯詔代之。亮銜駿。賈后亦怨楊太后。因勸亮使除駿。亮黜駿而代秉政。頗專權勢。賈后使楚王瑋殺亮。尋又以專殺斬瑋。自擅政。弑楊太后。又以太子適非己出。殺之。於是趙王倫矯詔廢后。遂篡帝位。齊王冏與河間王顒。成都王穎等共舉兵討誅倫。迎惠帝反正。冏以功留輔政。驕奢擅權。長沙王乂舉兵殺冏而代之。穎與顒又合兵破乂而代之。東海王越復起兵奉惠帝。逐二王而代之。十六年間。預亂諸王。先後凡八。故謂之八王之亂。自此晉室之屏藩盡墮。上則本根莫庇。骨肉相殘。下則清談盛行。士氣全靡。清談也者。別乎家人言之謂。謂善談名理。澄瀟凡濁。而不涉事實也。今原清談之所以盛。其故有二。

一、則以東漢之季。噉名成習。其弊也儼。物極必反。至魏晉之際。頗卑氣節。至相率以與時俛仰爲高。

二、則以兩漢經生。承秦火後。崎重古籍。墨守師法。訓詁之繁。世寢厭之。老莊之學復盛。而至風靡。

職此之繇。當時士夫。大抵放棄禮法。張皇幽渺。顒尙任達。何晏王衍之徒。咸耽清談。遺世務。朝

野靡然從風。自達官以至處士。幾無一人知憂國者。國勢如此。戎狄乘機內犯。陷晉洛都。晉乃南渡。僅延視息於江左之一隅。世稱東晉以別於西晉。今可即戎狄滋蔓之由。與其形勢。詳著於下。

第六篇 五胡十六國南北朝

第一章 兩漢以還漢族與他族之交涉

中國之疆。自漢益拓。塞外諸族之內徙而薦居者寔多。比漢末三分。乘中國內訌。來者益夥。其尤大者。為匈奴、烏桓、鮮卑、氐、羌。

其一、匈奴。自西漢宣帝時。呼韓邪單于內附。東漢初。南單于亦歸化。於是匈奴部落之度并州塞。而與編戶錯處者。先後近萬。積久益蕃。息蔓衍陜北。寔難禁制。曹操相漢時。慮其太盛。析為左、右、前、後、中、五部。以綱其勢。西晉初。匈奴餘衆乞歸。命者益多。數以億計。武帝皆使居塞內。由是并州之境。強半為匈奴族所據。

其二、烏桓、鮮卑。二族皆古東胡苗裔。蓋通古斯族也。漢興以前。東胡頗強大。勢與匈奴爭長。及後見破於冒頓。餘類東走。一保烏桓山。

晉代給匈奴鮮卑印璽



一云赤山蒙古語謂赤烏蘭即今內蒙古烏珠穆沁旗東南烏州有烏丸山殆即今科爾沁右翼中旗及烏珠穆沁旗地金置桓州即今直隸多倫諾爾西石口外紅城子舊作烏藍城皆足證烏桓疆域之廣 獨一別依鮮卑山。因以爲號。並役屬於匈奴。

漢昭帝時。烏桓漸強盛。復與匈奴戰。霍光使范明友乘機襲破之。烏桓自是附漢。後屢擢北匈奴。拓地。西自上谷。東至遼東。獻帝時。有蹋頓者。饒武略。遂繞攝諸部。助袁紹。殪公孫瓚。紹承制以爲單于。時獻帝建安三年也。曹操破紹。蹋頓助紹二子與操戰。大敗。操遂滅烏桓。徙其餘衆萬餘落於中國。爲齊民。厥後遂不振。

鮮卑者。其初尙微。比東漢初。乘匈奴之衰。南北兩單于方闕。迭破北匈奴而略其地。勢驟強。至桓帝時。諸部推擅石槐爲大人。石槐有武略。立庭於彈汗山。在今山西陽高縣西北三百餘里北折丁零。東卻

扶餘。西擊烏孫。所據地。東西萬四千里。南北七千餘里。靈帝光和四年。石槐死。國遂分裂。後四十年。鮮卑部酋有慕護跋者。助魏。殪公孫淵。以功封王。始建國於遼西。稱慕容氏。外此復有拓跋。宇文。秃髮。乞伏。諸氏。自遼東達河西。徧布北邊。乘晉室大亂。絡繹南下。

其三。氐。羌。二者皆西藏族。羌居今青海地。氐則依其東南。傍岷山。陬而散處於巴蜀之間。自西漢時。趙充國征服之。久隸漢。至王莽末。漸內侵。東漢初。馬援復破降之。徙置天水。隴西。扶風。三郡。後其族日孳。兼乘漢末擾攘。餘類內徙者益多。至氐羌種族之在關中者。數幾與編戶相

堦。

西晉初，戎狄薦居內地。如是之夥。郭欽、江統諸人屢請徙之邊外。以弭後憂。朝廷不能用。及八王亂作。秦雍氏羌齊萬年先反。尋左國城在今山西永富州匈奴劉淵、巴氏、李特亦起兵。鮮卑諸族繼之。割據列城。自後垂三百年。長淮以北莽莽中原。遂長爲異族所據矣。

第二章 前趙後趙之興亡

初，晉武帝以劉淵爲匈奴左部帥。惠帝時復命爲五部大都督。淵故單于裔。且以兼資文武。故積爲部衆所服。及晉室大亂。匈奴餘衆遂推淵爲大單于。據左國城。淵自以爲漢甥。當紹漢。乃建國號曰漢。懷帝永嘉二年。遂稱帝。徙都平陽。今山西平陽府。遣子劉聰等偪晉。比淵死。聰立。復遣劉曜、石勒等攻晉都。晉東海王越徵天下兵入援。無至者。漢兵遂入洛陽。執懷帝。帝從子秦王業得報。卽位於長安。是爲愍帝。尋亦爲劉曜所攻。出降。時司馬懿之曾孫瑯琊王睿方鎮建康。業卽建。聞懷愍二帝蒙塵。遂卽帝位。保江南地。是爲東晉元帝。

漢劉聰旣陷晉兩都。其屬地跨河南、北及山東、關中。幾據有中國強半。聰以東晉元帝太興元年死。國有內亂。其族子曜乃自立於長安。改國號爲趙。石勒因與曜交惡。亦自立於襄國。今直隸縣。稱趙王。史目曜爲前趙。勒爲後趙。曜據關中。連隴右。勒據河北。併山東。中分漢地。以洛

陽爲界。土地兵勢略相等。成帝咸和三年。曜侵後趙。與勒戰於洛陽。大敗見禽。於是漢故地盡爲勒有。遂稱帝。南嚮擊晉。大闢地於江淮間。勒故匈奴別部之羯種。負材武。振法紀。國以小康。以咸和八年死。子弘立。勒從子虎弒而代之。徙都鄴。及死。諸子爭立。大將軍冉閔乘之。殲胡羯而自立。國號魏。於是蒲洪以氐酋據枋頭。城名在今河南衛輝府濬縣自稱三秦王。改姓苻。是爲前秦。姚弋仲以羌酋據灃頭。在今直隸冀州棗強縣前此已自稱扶風公。是爲後秦之祖。虎之子祗亦稱帝於襄國。未幾爲閔所滅。石氏之地分裂。中原復爲戰場。時鮮卑慕容儁承祖父遺業。已併全遼。略燕北。日覲南下之便。乘釁擊虜魏主閔。克鄴都。遂稱帝。

第三章 東晉時各國之形勢

元帝始鎮江東。任王導爲謀主。專機政。使導從兄敦統征計。廣收賢俊。辟爲掾屬。文武濟濟。頗稱得人。惜卽位後明斷不足。故大業未復。而禍亂內興。

初。導與敦同心。戴帝。帝亦推心任之。王氏羣從子弟。布列顯要。敦於其族。齒最長。且又握兵。威震中外。漸恃功驕恣。帝畏而惡之。稍抑損王氏權。敦殊不平。永昌元年。遂舉兵反於武昌。順流而下。僞建康。帝命將禦之。皆大敗。敦遂據城擁兵。擅殺大臣。不朝而去。帝憂憤成疾而崩。子明帝立。敦再叛。帝命導督諸軍討之。敦死。其黨悉平。明帝崩。太子卽位。生五年矣。是爲成帝。導與

太后弟庾亮同輔政。歷陽內史蘇峻前此討王敦黨有功。威望漸著。有輕朝廷之志。亮憚之。謀解其兵柄。峻遂叛。犯闕。賴溫嶠陶侃等入援。亂始靖。因內亂接踵如此。故雖外有祖逖陶侃諸名將。迄不能用之北伐。以竟其才。成帝崩。弟康帝立。詔議經略中原。會庾亮弟翼方都督征討軍事。慷慨喜功名。以滅趙復蜀爲己任。欲悉衆北伐。未果而卒。桓溫代之。至穆帝永和二年。遂拜表帥師伐蜀。

時蜀地有漢國。卽故巴西氏李雄所建之成國也。雄父特。乘晉亂。帥流民入蜀。攻成都。刺史羅尙擊斬之。特弟流。子雄。先後代領其餘衆。勢復盛。惠帝永興元年。雄遂逐尙。入成都。稱帝。國號成。兼有滇黔。國勢頗振。雄死。有內亂。其從弟壽篡立。改國號漢。及壽子勢立。淫虐失衆心。桓溫一舉滅之。漢稱帝。凡四十四年而亡。

溫旣滅蜀。欲乘勝圖中原。先立功河朔。以收時望。還受九錫。會後趙土崩。中原鼎沸。乃於永和十年。帥師西伐。時秦王苻洪已前死。子健嗣。稱帝。於溫之來侵。退而固守長安。堅壁清野。以待之。溫不能拔。乃東歸。尋北伐。擊敗姚襄。入洛陽。置戍而還。久之復帥師自兗州東伐燕。

前燕故鮮卑慕容皝所建國。慕容氏自皝高祖慕護跋時。已得勢於遼東。至皝父廆併諸部。驟強。自稱鮮卑大單于。皝嗣。稱燕王。西擊後趙。闢地而南。東破高句麗。勢日以熾。及子儁立。遂滅

冉閔徙都鄴。

初鄴城

略山東併河南。幾有統一淮北之勢。儻以晉穆帝升平四年死。子暉嗣。會桓

溫兵來偪。暉叔父垂有勇略。大破晉軍於枋頭。溫走還。垂威名益振。暉忌之。垂出奔秦。

初秦苻健死。子生立。淫虐嗜殺。健從子堅弑之而自立。去帝號。稱大秦天王。專任王猛。猛有文

武才。輔堅致富強。及慕容垂來奔。堅遣猛督諸軍伐燕。遂長驅入鄴。時晉帝奔太和五年也。前

燕稱帝二十二年而亡。堅既併關中。兩河。山東。復南陷晉梁益二州。西伐前涼於河西。

前涼故張茂所建國。都姑臧。涼今甘肅涼州府茂。西晉涼州刺史軌之子也。自典午衰亂。神州陸沈。張氏

世臣於胡羯。劉曜封茂爲涼王。至茂子駿時。境內漸平。士馬彊盛。盡有隴西之地。遣將伐龜茲

鄯善。西域並降。始自稱王。閔再傳。後嗣爭位。內鬪不絕。及駿子天錫篡立。荒於酒色。不卹國政。

晉孝武太元元年。秦王堅滅之。自軌至是。凡九世。七十六年而亡。堅復乘代。即鮮卑拓跋氏之國號內亂。

遣兵奪其地。更遣將軍呂光伐西域。時堅既定中國十七八。西至天竺。康居。東及肅慎。海東諸

國。凡六十有二王。皆來朝貢。遂欲併東晉以成一統。屢寇其徐荆二州境。

東晉穆帝時。桓溫銳意北伐。故蓄異志。欲立恢復功爲禪代資。比閔哀帝以及帝奔。會溫自枋

頭敗還。威名頓挫。乃詣建康。廢帝奔。立簡文帝。以張己權。簡文旋崩。子孝武帝嗣。溫頻諷朝廷

求九錫。謝安王坦之輩故緩其事。溫志迄不遂而死。時苻堅已一淮北。漸南侵。謝安舉其兄子

立應詔。使鎮廣陵。太元八年，堅悉發戎卒六十餘萬，騎二十七萬，逼晉。晉謝石、謝玄等督衆八萬拒之。大破秦兵於淝水。堅僅以身免。尋爲叛羌所弑。厥嗣亦先後就殄。至太元十九年，苻登見殺於姚興。前秦遂亡。苻氏稱帝，凡五世，四十有四年。

方堅盛時，鮮卑西羌之內附者，項背相望。咸弭耳就銜勒。比其敗也，相率叛之。各據一方而自立。鮮卑慕容垂，徇下河北，定都中山。

今直隸定州

是爲後燕。羌酋姚萇，取長安，是爲後秦。初，萇父弋

仲，仕後趙爲西羌大都督。石氏亡後，萇以衆降前秦。至是獨立，奄有關中。外此若西秦、南涼、後涼、北涼、西涼諸國，復蠶起於隴右河西。西秦爲鮮卑乞伏國仁所建。據隴西，其西有南涼。國於

河湟青海之間，爲禿髮烏孤所建。亦鮮卑種也。其北有後涼。氏酋呂光王焉。初，光銜命西伐，破

龜茲，降焉耆以下三十餘國。比東歸，聞苻堅喪敗，遂據涼州。稱天王，都姑臧。居亡何，匈奴裔沮

渠蒙遜叛，據張掖。

今甘肅甘州府

建北涼國。隴西人李暠，亦據其西之燉煌。建西涼國。時中國北境，稱

帝王者，國凡七。惟後燕與後秦爲尤盛強。日尋干戈，兵連不解。會鮮卑拓拔氏方崛起朔荒，迤

邐南牧，乃投間抵隙，而迄成統壹江北之功。

第四章 後魏之興暨南北朝之分帝

拓跋氏故居漠北。曹魏之季，可汗音楷寒猶秦漢時之單于力微，是爲後魏始祖始徙盛樂。至力微孫猗盧，始

受晉封爲代王。及東晉成帝咸康四年。猗盧從孫什翼健立。雄勇有智略。能修復舊業。東自潢貉。西及破洛那。即賈南距陰山。北盡沙漠。率皆歸服。有衆數十萬人。晚年。國內亂。前秦苻堅乘釁滅之。未幾。堅敗。什翼健之孫珪。鳩合舊部。復據盛樂。改國號魏。史稱後魏。以別於三國時之曹魏。國勢自此日漸强大。後燕慕容垂畏其偏。遣太子寶伐之。反大敗。及垂死。寶嗣。珪遂乘機克中山。遷都平城。卽帝位。是爲後魏。道武帝。時東晉安帝隆安二年也。

中山既失。垂弟德。自鄴南徙滑臺。今河南衛輝府滑縣尋定都廣固。在今山東青州府益都縣西。稱帝。是爲南燕。寶奔

龍城。今內蒙古土默特部疊經弑奪。卒爲將軍馮跋所篡。是爲北燕。後魏道武帝。至晚年。喜怒乖常。漸萌

內訌。惟畫境自守。不遑遠圖。會劉裕崛起相晉。乃乘時亟出而經略中原。

東晉自淝水捷後。迄可小休。比孝武帝崩。安帝立。桓溫子玄。負其門地。志存不軌。遂舉兵入建

康。逼帝禪位。劉裕等起兵討玄。破誅之。乘輿反正。裕以功爲都督十六州軍事。尋領揚州刺史。

錄尚書事。雅有大志。欲外樹偉勛。以內收時望。會南燕寇掠晉宿豫。晉縣今江南徐州府宿遷縣裕抗表請

北伐。遂討滅之。時安帝義熙六年也。比東歸。平海寇。翦異己。取益州。憑藉累勝之威。乃西嚮而

擊後秦。

時後秦主姚興子萇新卒。子泓嗣。興卽位初。東畧河南。西降乞伏。後涼納土。南涼、北涼、西涼。諸

國皆朝貢。奉藩稱臣。威震華夏。居亡何。故匈奴王裔有赫連勃勃者。乘間叛據朔方。國號大夏。屢寇其北徼。西秦亦叛擾其西。後魏復迫其東。後秦之勢日衰。劉裕乘隙而起。義熙十三年。先克河南地。進至潼關。遂入長安。泓舉國降。後秦凡三世。三十二年而亡。裕克秦而歸。自謂功無與讓。乃弑安帝。立恭帝。尋受禪。是爲宋武帝。兩晉合傳祚一百五十六年而亡。

裕亟於篡。倉卒舍關中東還。夏主赫連勃勃。自朔方南下。驅晉戍兵。遂攘關中。稱皇帝。先是南涼已爲西秦所滅。至是夏迭破西秦。遂滅之。而兼有隴右。時北涼亦已見滅於西涼。河西地復定於一。而青海河湟間。則爲鮮卑支族吐谷渾所略。故關西境。有夏與北涼。吐谷渾。三國鼎立交鬩。後魏於其間。漸由河北西侵。三國乃相繼而折入於魏。

後魏自道武後。閱明元而及太武。勇健能兵。滅夏及北燕。北涼。降吐谷渾。中國北境。復統於一。時宋文帝元嘉十六年也。於是中國聿分南北兩大邦。江北爲北朝。江南爲南朝。自西晉末。異族橫於內地。垂一百三十餘年。其間大國之興亡者。凡十有六。以人種言。則有五。故通稱五胡十六國。今著其興亡之蹟。列表如左。

五胡十六國表

國號

始祖

種族

國號

始祖

種族

五前燕	慕容廆	鮮卑	通古斯族	一漢前趙	劉淵	匈奴	土耳其族
七後燕	慕容垂	鮮卑		十二北涼	沮渠蒙遜	匈奴	
九西秦	乞伏國仁	鮮卑	漢族	十五夏	赫連勃勃	匈奴	
十三南燕	慕容德	鮮卑		四後趙	石勒	羯	
十一南涼	秃髮烏孤	鮮卑	二成漢	李特	氐		
三前涼	張軌	安定烏氏人	六前秦	苻洪	氐		
十四西涼	李暠	隴西成紀人	十後涼	呂光	氐		
十六北燕	馮跋	長樂信都人	八後秦	姚萇	羌		

第五章 後魏之外交與其國勢之全盛

中國自漢末以還。垂三百年。內亂蔓延。國威墜地。久與西域諸國相隔絕。洎後魏太武帝既壹
 淮北。威稜遠揚。西域龜茲。烏孫等九國入貢。魏亦始遣使報之。太武帝太延三年。即宋元嘉十
 四年。董琬等奉使經天山南路諸國。自烏孫達破洛那。厚加招撫。旋以鄯善國納北涼餘孽。斷
 西域孔道。太武遣將討之。俘其王。乃拜韓牧爲領護西戎校尉。鄯善王以鎮之。由是塞外諸國。
 大抵臣服於魏。惟柔然恃強。屢執魏使。時復寇邊。太武乃大舉欲討滅之。
 柔然故東胡苗裔。於東晉中葉。有車鹿會者。雄健。始有部衆。自號柔然。世役屬於拓跋氏。薦居

漠南北。厥後六傳至社崙。與道武帝同時。兇狡有權變。與後秦姚興和親。抄掠魏邊。道武遣將擊破之。社崙遠遁漠北。侵高車。采入其阻。高車。即漢時之丁零。蓋亦屬土耳其族。居天山西。部落蕃盛。至是遂失其東偏地。復大破匈奴餘種於頰根河。於是其屬地橫跨大漠。兵勢益振。自號可汗。屢南侵魏。欲報前敗。及魏太武帝始光二年。北伐。適社崙從弟大檀爲可汗。大敗北走。神麈二年。太武復親征。擊破大檀。追至燕然山。高車諸部。望軍降者數十萬。大檀將其族黨。絕跡西走。部落衰弱。因發疾而死。於是東自高句麗。西至波斯。遐方諸國。先後入貢。後魏之國威。以斯時爲極盛焉。

先是宋武帝殂。國有內亂。子文帝遂以外藩入嗣大統。後魏明元帝。乘釁取宋山東。河南地。文帝有恢復志。亦乘魏太武北征柔然之隙。大舉侵魏。會太武方克柔然歸。乃自將大破宋軍。追擊之。深入宋境。臨江而還。自是淮北地全屬魏。

太武晚見弒。嫡孫文成帝。討賊卽位。承太武遠略後。一意與民休息。謀裕國儲。子獻文帝嗣。聰悟有治略。惟雅好釋老。有遺世心。在位五年。傳位於太子宏。自稱太上皇帝。仍總大政。宏立。生五年矣。是爲孝文帝。上皇母馮太后內行不正。怨於上皇。遂鳩殺之。自臨朝稱制。孝文性仁孝。好文學。及馮太后殂。親政。興禮樂。定制。後魏之文物。始鬱然可觀。

後魏故起於夷裔。刑罰差濫。文治闕如。明元、太武兩朝。雖嘗命崔浩輩定律更制。然罅漏尙多。比孝文帝時。凡漢族儒流。咸以文雅見親。貴顯用事。修明古禮。百廢具舉。復嫌本俗之僣。謀變易之。所行方略如左。

第一、自平城徙都洛陽。國制悉采華風。禁斷胡服胡語。

第二、使宗室與中國名族通婚媾。以爲臣民之婚。漢族者倡。

顧其時功臣世族。多戀舊習。不樂新政。至有謀反者。且由是漸滋靡曼之風。而國之衰朕萌焉。

第六章 後魏之分東西與齊梁之興亡

後魏孝文、以齊主寶卷永元元年殂。子宣武帝嗣。疏宗室。任嬖倖。國政寢淆。傳子孝明帝。齒稚。生母胡太后稱制。后行不謹。戚闈用事。綱紀大墜。初、魏都平城。緣邊置六鎮。資藩捍。廩給優厚。洎南遷後。遇之寢薄。將士憤怨。至是乘魏政之衰。六鎮皆叛。有爾朱榮者。討定之。以功進都督北邊軍事。勢頗張。時孝明帝浸長。與胡太后有隙。后醜殺之。於是榮抗表以清君側爲名。舉兵入洛。立孝莊帝。而弑胡太后。怙功驕暴。陰蓄異志。無人臣禮。孝莊遲其入覲。手刃之。榮族並反。引兵入洛。弑孝莊而立節閔帝。一門擅政。競爲貪暴。六鎮統帥高歡。乘爾朱氏之失人心。起兵討破之。遂入洛陽。廢節閔而立孝武帝。自爲大丞相。開府晉陽。今山西太原府太原縣威權震主。孝武憚

焉。陰欲圖之。歡遂先發。勒兵南逼洛都。孝武西奔。依關西大都督宇文泰。泰故鮮卑族。至是以大丞相專政。旋弒孝武。更立文帝。奉之以與歡爭。歡亦別奉孝靜帝與泰相抗。兩雄爭命於潼關。藍關之間。魏於是始分爲二。而有東西之稱。自建國至是。凡百四十三年。雖魏朔尚存。而實則已爲高氏宇文氏之國。時梁武帝大同元年也。自孝明以降。權臣干命。廢立相尋。今揭帝系之略如左。可以明彼此之關係焉。

□ 以明代未爲帝之人
以明帝位相繼之序



自東西魏分立。閱十有三年而高歡卒。子澄嗣。東魏河南大行臺侯景。素輕澄。至是遂以河南地降南朝。

南朝自宋文帝與魏戰大敗後。三傳至明帝。濫誅宗室。自撤藩翰。未幾其國遽爲權臣蕭道成

所篡。道成久在兵間。著威望。明帝之殂。預受遺詔。輔太子昱。昱暴虐。遂弑之而立其弟準。是爲順帝。旋迫使禪位。宋凡五十九年而亡。

道成卽位。是爲齊高帝。厥後五傳。至從孫寶卷。專任嬖倖。屢誅大臣。叛者四起。齊疏族蕭懿。克定禍亂。威望日隆。寶卷忌而殺之。懿弟衍。擁立寶卷弟寶融。是爲和帝。引兵克建康。和帝立甫一年。遽禪位於衍。齊稱帝二十三年而亡。

衍立。是爲梁武帝。方侯景自東魏來降。適值帝在位時。帝遣從子淵明與景犄角攻東魏。大敗。淵明見禽。景南走。襲據梁壽春。梁卽授以節鉞。俾鎮其地。尋梁與東魏修好。景懼且懟。遂爲反計。舉兵直入建康。時梁興已四十七年。境內無事。武備不修。加以帝崇信浮屠。溺於慈愛。刑法寬縱。比賊至猝迫。公私駭震。無敢禦者。帝遂以景爲大丞相。與之盟。未幾。城陷。帝以憂憤成疾而殂。子簡文帝立。二年。景廢之而立其族孫棟。尋復廢棟而自立。稱漢帝。

時梁諸王侯多起兵討景。武帝第六子綸。駐江夏。今湖北武昌第七子繹。據江陵。第八子紀。據益州。孫贛。據襄陽。願骨肉爭權相鬪。營迫於繹。乞援西魏。尋紀伐繹。繹亦請西魏討紀。宇文泰遂乘機遣兵取蜀以制梁。綸亦爲繹所破。奔北齊。時東魏高澄已前卒。弟洋襲職。受孝靜帝之禪。是爲北齊文宣帝。文宣乘梁喪亂。盡取其淮南地。梁之疆圉日蹙。

繹既翦除所忌諸王侯。乃遣王僧辯討景。陳霸先亦起兵會僧辯共誅景。繹卽位於江陵。是爲元帝。初元帝事西魏良謹。至是請據舊圖定疆境。辭頗不遜。宇文泰遂與蕭管會師伐梁。陷江陵。殺元帝。立管爲梁主。取其襄陽之地。而資以江陵。延袤三百里。是爲後梁。實不過西魏之藩臣爾。

元帝之見殺也。王僧辯與陳霸先共立其子方智。會北齊以兵送蕭淵明。遣還梁稱帝。僧辯納之。霸先與之爭。因襲殺僧辯。復立方智。是爲敬帝。在位三年。遂爲霸先所篡。梁凡四主。五十五年而亡。

霸先立。是爲陳武帝。其受禪前一年。西魏宇文泰卒。子覺嗣。踰年。遂受魏禪。是爲北周孝愍帝。於是中國再三分。北周統湘漢以西境。北齊據江淮迤北境。而江南地則屬於陳。

北周孝愍帝之卽位也。其從兄護輔政。帝深惡護專橫。密謀誅之。護遂弑帝而立其庶兄毓。是爲明帝。尋復弑之。而更立其弟邕。是爲武帝。帝性剛毅賢明。誅護親政。國大治。時北齊文宣帝久殂。三傳而至帝緯。童昏荒嬉。嬖寵用事。國政大淆。加以陳侵其南疆土日削。武帝乘釁自將攻滅之。北齊傳國僅二十八年而亡。時陳宣帝太建九年也。明年武帝殂。傳子宣帝。及孫靜帝。幼沖。太后父楊堅輔政。尋受周禪。是爲隋文帝。帝以太建元年卽位。七年而併後梁。其明年乃

進而伐陳。

陳自武帝後。四傳而至後主叔寶。驕奢淫佚。國人離心。隋師一舉而滅其國。陳稱帝。凡三十三年而亡。自東晉元帝卽位至是。積二百七十三年。隋始併江南而一天下。實文帝開皇九年也。

第七篇 隋及唐初

第一章 隋之盛衰及羣雄之割據

隋文帝旣一天下。勵精圖治。頗具治才。其所定刑律、官制、類皆爲唐制之椎輪。後世之矩矱。復減調役田租。愛育黎首。故戶口滋豐。海內安謐。帝先以事廢太子勇。而代以次子廣。旣而悔之。廣遂弑帝自立。是爲煬帝。性喜豪奢。內則盛興土功。外則屢勤遠略。

一、土功。帝以長安爲西京。洛陽爲東京。役丁二百萬人。大營東京宮室。復發丁百萬。開通濟渠。

即今黃河所經古汴水故道

又發民十萬開邗溝。

即今江蘇運河

尋更發河北諸軍百餘萬。開永濟渠。

即今山東以衛河及

運後又穿江南河。

即今浙江運河

外此所至鑿河。令舟行自兩京直達江南。沿途置離宮四十餘所。以

備遊觀。復增築長城於西北二徼。致民間深苦徭役。

二、遠略。帝旣好大喜功。裴矩希旨。遣人引致西域諸商胡。昭之以利。勸令入朝。盛賞賚。供帳以娛之。藉示中國之富強。於是西域諸藩。相率來朝者。四十餘國。帝復遣將南破林邑。

今法屬暹羅地

東汎海征琉球。西擊吐谷渾。置西海。治伏侯城在今青海西。河源。治赤水城在今青海南。諸郡。惟高麗獨不朝貢。乃於大業七年。興師百數十萬討之。明年。度薩水。江一名清川。在今韓國安州城東。大敗而還。九年。再親征高麗。攻遼東城。在今奉天遼陽州北。久不拔。十年。復徵大軍伐之。破其兵於卑奢城。在今奉天府海城縣境。高麗乃降。

大兵大役。二者並興。天下人苦驛騷。息肩無日。皆洶洶思亂。及銳頓於高麗。四方豪傑競起。隋室遂以瓦解。李密略取河南諸郡。稱魏公。竇建德據河北。稱長樂王。後爲夏王。外此中國南境。別有林士弘據九江。至番禺。稱楚帝。蕭銑據江陵。稱梁帝。西北境。則有劉武周據陜北。梁師都據朔方諸郡。皆稱臣於突厥。其餘小國林立。海內雲擾。會李世民自關中崛起。遂削平羣雄。肇造唐室。

第二章 唐室之興

後魏之季。突厥拔起於金山。即今阿爾泰山阿之麓。滅柔然。奄有今內外蒙古地。勢頗強大。煬帝時。其可汗以事怨隋。屢寇北邊。帝使李淵爲太原留守。將兵拒之。不利。恐獲罪。淵次子世民。聰明勇決。識量過人。見隋室方亂。陰有安天下之志。說淵興義兵。淵從之。藉助於突厥。渡河而西。圍長安。時帝方盤遊江都。使代王侑留守西京。越王侗。侗皆煬帝孫留守東都。淵尋克長安。奉侑稱

帝是爲恭帝。自爲大丞相。未幾受隋禪。時恭帝侑義甯二年也。淵卽帝位。是爲唐高祖。更遣世民馳驅四表。以掃盪羣雄。

時煬帝仍留連江都。日肆淫酗。字文化及。遂弑之。而立秦王浩。文帝孫自稱大丞相。擁衆而西。李

密拒擊敗之。東都留守官王世充等。聞煬帝凶問。相與奉越王侗卽位。世充乘密與化及相持

俱弊。襲敗密。遂廢侗。自稱鄭帝。是時劉武周取唐并。原太滄。今山西平勝。府翼城縣。諸州軍勢甚銳。唐戍

兵多潰還。高祖欲棄大河以東。謹守關西。世民諫止。逆擊武周軍破之。移師伐鄭。鄭求救於夏。

夏主建德將兵救鄭。二國勦力禦唐。世民並破之。擒建德。降世充。河南北地悉平。尋遣將南征。

降梁。收楚。僭偽諸國。以次翦滅。迄貞觀二年。滅梁師都。定朔方。於是海內復一統。

唐有天下。皆世民之力。功名日盛。其兄建成。弟元吉。深忌之。謀殺世民。世民知之。遂先發。殺二

人。高祖遂立世民爲太子。未幾受內禪。是爲太宗。

第三章 太宗高宗之盛及唐代之制度

太宗卽位。以房玄齡、杜如晦等掌機要。魏徵、王珪等任言責。李靖、李勣等主征討。內臻上理。外
鬯國威。稱秦漢以來令主最。御宇二十三年。崩。子高宗嗣。高宗初政。以有長孫無忌。褚遂良、李
勣、諸文武名臣。受遺夾輔。故海內頗清平。此兩朝。洵唐代極盛時。凡百典制。大都定於此時。且

不止為中國歷代之模範。即日本與朝鮮亦多取法。今敘唐制之略如左。

第一官制。唐之中央政府。其上置三師三公。以師範一人。參議大事。其次置三省。以綜理庶務。又其次置六部。以分任宣猷。太師太傅太保。是為三師。太尉司徒司空。是為三公。皆正一品。三師天子所師法。無所總職。三公佐天子。靡所不統。並無其人則闕。故真相實官。秉鈞事者。聿維三省與六部。三省為尚書門下中書。尚書省掌典領百官。會決衆務。承而行之。其長為尚書令。其貳為左右兩僕射。厥後以太宗嘗為尚書令。臣下避不敢居。遂以僕射代為長。掌統理六官。其下有左右丞。左丞總吏戶禮三部。右丞總兵刑工三部。吏部掌銓法官材。戶部掌地丁錢穀。禮部掌典禮。兵部掌武備。刑部掌刑律。工部掌工役。凡六部。部各有長。為尚書門下省。掌侍從獻替。規駁非宜。審而覆之。其長為侍中。中書省掌獻納制冊。敷揚宣勞。揆而議之。其長為中書令。侍中中書令為真相。其以他官參掌者。無定員。第如加同中書門下三品。同中書門下平章事等名者。並為宰相。亦漢行丞相事之例也。三省之外。又有祕書殿中內侍三省。並御史臺及九寺。太常光祿衛尉宗正太僕大理鴻臚農太府然萬機悉統於三省。今明其關繫列表如左。

— (左丞) —

吏部(吏部尚書)
戶部(戶部尚書)
禮部(禮部尚書)

尚書省(尚書令) (左僕射)

三省 | 門下省(侍中)

中書省(中書令)

(同中書門下三品)
(同中書門下平章事)

(右丞) | 兵部(兵部尚書)
刑部(刑部尚書)
工部(工部尚書)

六部

其外官、則帝都、暨陪都、並置牧、尹、或留守。分全國為十道。道置巡察等使。以按舉州縣。府置都督。州置刺史。及錄事、參軍、諸官。州下有縣。縣置令丞以下官。屬地別開大都護府。置大都護以下官。

第二、選舉。周室賓興。士之有才德者。類起家於鄉舉里選。朝廷依資予官。兩漢以來。恆詔郡國舉賢良方正、直言極諫之士。天子親策之。案其對策之殿最。而試以職。惟茂材、孝廉、所徵舉。率皆特拜。不復簡試。迨其末流。士或矯飾。謗議漸生。曹魏初、乃立九品官人之法。州郡皆置中正。以定其選。擇州郡之賢有識鑒者為之。區別所管人物。定為九等。若吏部選用。必委中正銓第等級。憑之授受。其後中正任久。愛憎由己。唯能知其閥閱。非復辨其賢愚。所以劉毅云、下品無高門。上品無寒士。自魏晉閥南北朝。門望之勢積重。其時士人。皆厚結姻援。奔馳造請。浸以

廢學。隋鑒其弊。始罷九品中正。而州郡僚屬。皆命於銓曹。搢紳發軔。悉由於科目。唐貢士之法。多循隋制。其常貢之科。有明經。進士。自京師郡縣皆有學。每歲經郡縣館試。而與計偕者。曰生徒。其在館學而舉者。謂之鄉貢。到尚書省。始有由戶部集閱。而關於考功課試。可者爲第。其課試之法。則帖經。毛詩尚書周易三禮三傳及孝經論語爾雅或老子開元禮等按問大義。試雜文。詩賦。及策。經史時務方略此歲舉之常選也。其天子自詔者。曰制舉。不有常科。皆標其目而搜揚之。以待非常之才。

初。漢儒承秦焚院之後。競祖習專門。殫精訓詁。馬融。鄭玄。諸人杰出於其中。尤負盛名。迨魏晉間。老莊蔓衍。學風浸流輕靡。王肅。何晏。輩生於其時。翹爲新義。頗異漢儒。王學盛於南。鄭學盛於北。比唐有天下。折衷南北。而撰定五經正義。俾舉司課試。咸奉爲繩尺。

第三。賦稅。魏晉以來。洊經離亂。戶口銳減。田園就荒。所在多荒閑無主之田。既不在官。而亦終不在民。不妨收爲公田。以供授受。會後魏孝文帝。崇儒重道。因仿古井田法。下詔均給天下人田。唐亦本此制。武德七年。始定均田賦稅。凡天下丁男。十八以上者。給田一頃。周制百步爲一頃。唐制百步爲一畝。四畝爲一頃。篤疾。廢疾。給田十畝。寡妻妾。三十畝。若爲戶者。加十二畝。皆以二十畝爲永業。其餘爲口分。一家之田。口分須據下來人數。占田多少。若子弟多則占田亦多。死則收之。以授無田者。收授皆以歲十月。凡授田者。丁歲輸粟二石。謂之租。丁隨鄉所出。歲輸若干。謂之

調。用人之力。歲二十日。閏加二日。不役者。日爲絹三尺。謂之庸。故唐取民之法。有租、庸、調三種。租、田稅。調、戶賦。庸、口錢也。大抵唐制計畝而稅之。令少。計戶而稅之。令多。以其時計戶口授田。故不必履畝論稅。第逐戶稅之。而田稅自在其中。爰定天下戶爲九等。於編審尤密。每三年。輒一造戶籍。

第四、兵制。唐於天下十道。置折衝府六百三十四。皆有名號。而關內二百六十有一。居重馭輕。內外相制。皆以隸諸衛。凡府三等。兵千二百人爲上。千人爲中。八百人爲下。府置折衝都尉一人。左右果毅都尉各一人。領之。士以三百人爲團。團有校尉。五十人爲隊。隊有正。十人爲火。火有長。兵械甲裝。無事則輸之庫。征行而後給之。每歲季冬農隙之時。折衝都尉帥所部兵。肄作坐進退之法。此類府兵。不徒用以建威消萌。且每月番上。以宿衛京城。

第五、刑法。中國之刑法。至唐尤備。唐之刑書有四。曰律、令、格、式。此三者。一斷以律。律十有二。一曰名例。二曰衛禁。三曰職制。四曰戶婚。五曰廩庫。六曰擅興。七曰賊盜。八曰鬪訟。九曰詐僞。十曰雜律。十一曰捕亡。十二曰斷獄。其用刑有五。一曰笞。二曰杖。三曰徒。四曰流。五曰死。笞刑五。自十至於五十。杖刑五。自六十至於百。徒刑五。自一年至於三年。流刑三。自二千里至於三千里。死刑二。絞、斬。又有議請、減贖、當免之法。大率因隋制也。

雖然。太宗高宗兩朝之豐功偉烈。不在內治而轉在外征。自唐初四十年間之力征經營。而亞洲大陸之中、南、東、三方。幾全為唐所羈縻。漢族之氣運。洵極空前絕後之壯觀。今欲臚其經略之次第。勢不得不先明其時亞洲諸國之形勢。

第八篇 唐之經略外國

第一章 自漢末迄隋初朝鮮三韓之形勢

漢武帝既滅古朝鮮。以高句麗為縣。仍封其種人為侯。比漢衰。而高句麗始建王國於馬訾水

今鴨綠江之上游。高句麗相傳以為扶餘之別種。扶餘蓋屬通古斯族。依速末水今吉林松花江以居。在高

句麗北。漢元帝建昭二年。有朱蒙者。棄扶餘東南走。至卒本扶餘。後魏書作紇升骨城今定都

於沸流水。在今韓國平安南道江東郡之南。上國號高句麗。以高為氏。是為東明聖王。後浸強大。東漢曹魏間。

數寇遼東。與漢遼東刺史公孫康、魏幽州刺史母邱儉等相構兵。西晉末。乘中國多難。南掠樂

浪。今韓國平安南道黃海道兩郡地。復西圖遼東。會前燕慕容皝國勢方盛。發大兵自將來伐。高句

麗故國原王名劍始祖朱蒙十世孫拒戰大敗。都城丸都在今韓國京城畿道國城東北隨陷。乃稱臣於燕。遷都平壤。今韓

國平安南道平壤府。自是絕意西嚮。專謀拓地於南方。

朝鮮半島之南。故有馬韓、辰韓、弁韓。後漢書魏略作弁辰韓三種並峙。漢成帝鴻嘉三年。高句麗始祖朱蒙

次子温祚。以事去國南行。居河南慰禮城。今韓國忠清道稷山縣馬韓王割東北百里地與之。後寔盛。乃

建國號百濟。以系出扶餘。稱扶餘氏。哀帝建平二年。遷都漢山。今韓國京畿道廣州遂併馬韓。數傳至東

晉初。會高句麗故國原王南侵。百濟近肖古王。魏史北史名須溫祚七世孫逆擊破之。射殺故國原王。遂略

其所屬帶方故地。北徙都於北漢山。在即今韓國之北岳山即今韓都也。自是二國世相讎。

時百濟東南有新羅國。初。秦漢朝鮮遺民。居辰韓地。分爲六村。其間一村長生子名朴赫居世。

六村人推爲君。稱居西干。也猶王漢宣帝五鳳元年。建國號徐羅伐。後改新羅。尋併弁韓。

故當東晉之初。高句麗、百濟、新羅、三國鼎峙於朝鮮半島。高句麗約據古朝鮮地。割半島之北。

百濟統馬韓地。約當今韓國京畿、忠清、全羅、三道。其辰韓、弁韓地。則概屬新羅。奄有今韓國之

慶尙道及江原道之南境。新羅地最近日本。因之往來亦最數。時與日本九州叛民通。擾其邊

陲。日本神功皇后擊之。新羅王奈解降。奈解、朴赫居世後十世王也。百濟方與高句麗爲讎。恆

自危。比日本軍降新羅。因朝貢乞庇。先是日本開任那府。本名意富加羅。後賜名任那。今韓國慶尙道西南之地。於新羅

之南。弁韓故地。遣將鎮之。至是因置內屯官家。以都護新羅百濟。朝鮮南部。幾全爲日本所羈

縻。

百濟近肖古王後。三傳而至辰斯王。失禮於日本。日將紀角等。遂奉其君。原本及東洋歷史大辭典均作應神天皇

徐攷萬國史綱目則應神崩後三年而仁德帝始立仁德在位之七十二年而百濟辰斯王始即位兩君殆非同時故姑存疑命來攻辰斯王大敗尋為國人所弑近肖古王曾孫阿花王立時新羅王奈勿陰助辰斯王於是日本軍復犯新羅新羅乃乞援於高句麗。

自慕容氏內徙高句麗盡王遼東地又擊百濟復其侵疆國勢頗振東晉孝武帝太元十七年

故國原王孫廣開土王東史名談德中史名安立英武有大略懼日本之威加南半島也因助新羅日本

屢擊二國聯軍未幾新羅復附日本高句麗獨資固不賓。

時朝鮮半島雖三國鼎峙然惟高句麗地廣兵強廣開土王子長壽王東史名臣連中史名連時臣事中

國南北兩朝復與其北鄰靺鞨諸種結好以弭後顧憂頻南侵百濟阿花王立孫蓋鹵王中東史皆東

慶名餘拒戰敗歿百濟南徙都熊津今韓國忠清道忠州後復遷泗泚今韓國忠清道扶餘縣以避高句麗之鋒高句

麗兵勢駸駸南牧於是新羅亦懼其反噬亟與百濟和以總力防禦之厥後百餘年間高句麗

竟志不獲逞及梁武帝天監十六年自奈勿六傳而至法興王君臨新羅乘百濟之衰而襲之

二國盟寒新羅別與高句麗同盟約瓜分百濟地比法興王從子興真王時迭破百濟大關疆

土怙強漸輕日本遂攻任那府取其屬地日本繼體欽明兩天皇朝屢出師助百濟征新羅即

此時事新羅真興王後其孫真平王東史名伯淨中史名直平曾孫武烈王名春英主輩出國勢益強而百

濟日弱。以日本爲不足恃。復乞援於高句麗。高句麗故嘗與新羅同盟。今忌其盛。遂結百濟共圖之。百濟既倚日本。復聯高句麗。而新羅顧孤立無與。勢不得不依賴中國。寔假而三國之局勢。爲之一變。

第二章 隋唐與高麗百濟新羅之關繫及二國之亡新羅之混一

高麗案高句麗之省稱高麗始於元魏宣武帝正始中與百濟新羅會中國隋朝興。統一南北。高麗故嘗與陳通好。懼隋督過之。將見伐。文帝開皇十七年萬國史綱目作十年嬰陽王名元長壽立明年率靺鞨萬餘騎寇遼西。文帝大怒。遣兵三十萬伐之。不利而還。煬帝即位。徵嬰陽王入朝。不至。大業八年發大軍攻遼東。復大敗。高麗於是益橫。糾百濟頻侵新羅。且阻其入貢中國之道。新羅不能禦。又故與日本有嫌。乃一意朝貢中國求庇。比隋亡唐興。屢遣使來請救。

時高麗大臣泉蓋蘇文弒其君榮留王名建武嬰而立其從子臧。自爲莫離支名官。唐太宗既平東突厥。將乘高麗內難而東征。及其杜新羅貢道。遂以貞觀十八年發水陸大軍親征之。渡遼。拔遼東諸城。進攻安市在今奉天府蓋平縣東北。城不下。以遼左早寒。草枯水凍。士馬難久留。且糧食將盡。敕班師。耀兵於安市城下而還。居亡何。太宗崩。高宗嗣。會新羅數爲二國所侵。請救愈急。顯慶五年。高宗遣蘇定方率水陸十萬。自成山在今山東登州府文登縣南。濟海。會新羅兵。先擊百濟。其王

義慈蓋國王拒戰屢敗。乃降。平其國五部、二十七郡、二百城、戶七十六萬。乃析置熊津、馬韓、東明、金漣、德安、五都督府。擢酋渠長治之。百濟建國。凡三十王。六百七十八年而亡。王弟扶餘豐、

故質日本。至是宗室鬼室福信、收合餘

燼。迎立為王。乞援日本。並結高麗以圖

恢復。日本齊明天皇即皇極天皇再臨朝。詣筑紫。

遣前將軍上毛野稚子等、率兵救百濟。

龍朔三年、唐將劉仁軌等、大破日本軍

於白江。在熊津東南亦接大海達全州西界口。豐奔高麗。

百濟悉平。

唐既平百濟。遂進圖高麗。時泉蓋蘇文

已死。其二子爭權。國亂。王不能制。高宗

乘之。乾封元年。以李勣為遼東大總管。

伐高麗。總章元年。攻拔其十餘城。餘數

十城望風請服。進圍平壤。王臧出降。高句麗自建國。凡七百五年而亡。收其地凡五部、百七十

唐 平 百 濟 國 碑



日 本 古 織 工 女



東洋史要
卷二
中古
第八篇

六城。戶六十九萬。析爲九都督府、四十二州、百縣。置安東都護府於平壤、以統之。於是古朝鮮三韓地、舍新羅外、餘地悉入唐。

新羅武烈王以龍朔元年殂。其子文武王名法敏嗣。亦英主。嗾高麗餘衆使作亂。乘之類略唐屬

地。遂陷平壤。安東都護府內徙遼東。唐自中宗後。內亂接踵。不遑遠圖。於是新羅多取百濟地。

遂抵高麗南境。文武王之孫聖德王名隆基後曾孫景德王名憲英皆賢明。內勤民事。外謹事唐。

邦家用甯。聖德王時、唐與以涇

江今韓國江以南地。改號王城國。

尋復舊。

隋唐之交。不第於以上三國。關

繫淺繁也。即與日本交際亦驟

盛。蓋日本邊人與中國私交。蚤

萌芽於西漢之世。神功皇后以

來。中國之文明。經三韓而轉輸

日本者漸多。日本亦時遣使求

阿部仲麻呂



工女於吳。所謂吳者。蓋指江南宋、陳、諸朝。以其居吳故地也。然兩國國家之交際。則實始於隋唐間。隋煬帝大業三年。日本推古天皇在位。聖德太子攝政。欲興佛法。乃遣小野妹子書作蘇因高通好於隋。自是彼此使聘漸繁。比唐興。日本聞唐國勢富強。文物明備。歷朝天皇。皆慎簡使臣。殷勤通問。制度文物。一切倣唐。時僧侶、學生、留學於唐者良夥。使臣粟田朝臣真人、藤原潏、河輩。咸以儀容溫雅。見賞唐廷。隨使大和長岡。大和國造傳法律學。留學生吉備眞備、阿部仲麻呂。新唐書作仲麻呂。後仕唐。易姓名曰仲朝衡。傳儒學。間有仕唐而致通顯者。僧道光、最澄、永忠、空海等。傳佛法及音律學。及唐季國勢彫敝。日本宇多天皇。從菅原道眞之請。罷遣唐使。

空 海 僧



書作蘇因高

雖其後僧徒商賈之往還於中國者仍不絕。然兩國國際之交通。至是中輟。

第三章 突厥未興以前西域諸國之形勢

自秦孝文王元年、亞賽西一世建安息國。凡二百年間。安息赫然為西亞強國。逮漢成帝朝。亞

羅馬兵士



騎士



賽西十四世即位時。羅馬已混一歐洲。漸蓄銳東嚮。略小亞細亞、西里亞諸地。遂與安息啟釁。

厥後垂二百年。兩國恆角逐於兩河。低格的里河幼間。安息勢漸蹙。迄亞賽西三十世時。波斯人乘其與羅馬搆兵。日不暇給。出不意從中叛。安息遂亡。

波斯故嘗為安息所征服。顧以其人種既異。宗教風俗復不同。積不相能。恆覬隙謀獨立。至蜀漢建興四年。舊王裔有亞爾達吉者。乘安息疲於巫肆。率國人滅之。

自立為王。稱亞答澤爾士一世。號新波斯國。是為薩煞尼疊王家之祖。既而四征拓地。以耀國威。內則再興古拜火教。波斯所倡定為國教

亞答澤爾士



而嚴禁他教。以固民志。國勢為之驟強。遂與羅馬開釁。厥後百五十年間。波斯兵屢破羅馬。畧其屬地之在西亞者。復時東擊大月氏。裊然為蔥嶺以西霸國。

大月氏故嘗雄視中亞。迨迦臘色王後。不復如前。漸失天竺屬地。天竺安德拉王朝既衰。東晉孝武帝太元十九年。旃陀羅笈多據曲女城。即唐書之茶縛和羅城。大唐西域記之揭若鞠闍。在今印度西北部。科尼普爾之西北一百四十里。

興笈多王朝。次第振威於五天竺。今英屬之錫蘭島泥婆羅。今廓爾喀國諸國。亦遣使朝貢。乘其方興之銳。遂逐大月氏於天竺之外。

大月氏既南敗於天竺。復時見侵於波斯。國勢遽衰。部落漸攜。會嚩唵自北起而併所部。威震中亞。嚩唵亦大月氏種類。或曰車師若高車之別種。其原出於塞北之金山。姓挹闐。案韋節西蕃記云。親

自稱如此。後漢順帝永建初，有八滑者，從漢將班超擊北匈奴有功，以為後部親漢侯。至南

北朝，號滑國。元魏之居桑乾河名在今山北也，滑猶小國，屬柔然。後七八十年，稍强大，征服其旁

諸國。梁武帝嘗遣使入貢，遂以姓為國號，曰嚙唃。訛為挹怛。今阿富汗或作愛烏罕一稱押安或散罕蓋本此。乘大月氏之

衰，攻併其部落。而大夏遺裔亦起而應之，恢復蔥嶺西、烏濟河南、大夏故地，建吐火羅即大夏

國。與嚙唃雜居。嚙唃遂沿新頭河南下，破笈多王家，降西北兩印度。都拔底延城。即王舍城。東與柔

然爭天山路地，復西嚮而擊波斯。

吐火羅。即西史之所謂布爾加利人。初都縛喝。人謂之小王舍城即今布哈爾境甚廣。南北千餘里，東西三千餘里。東抱蔥

嶺，西接波斯。南距大雪山。今喜馬拉雅山。北據鐵門。在今撒馬爾罕西少南三百六十餘里。縛芻大河中境，西流。後王族

乏嗣，地遂為烏鍛。即烏茲等三十七國所分。本國僅統小城二十四。都阿緩城。今阿富汗吐喀斯

是地。自後魏至唐，頻遣使貢中國。唐顯慶二年，其人嘗至日本。齊明天皇馳驛召觀之。龍朔二年，

唐郡縣其地，並立碑紀德。開元天寶間，數貢獻。玄宗册其酋為吐火羅葉護，挹怛王。後其隣國

謀引吐蕃相攻。王乞安西兵助討。玄宗為出師破敵。乾元初，與西域九國發兵為唐討安史之

亂。肅宗詔隸朔方行營。

大月氏族。舊所據烏濟河南地。既悉為嚙唃、吐火羅所分攘，乃退居河北。據康居五小王及大

宛故地。而建昭武

其族故姓溫以先世常居昭武為姓示不忘本

九姓諸國。康安曹石米何火即今

俄屬土耳其斯坦、費爾干省、及布哈爾、基發、等地是也。康國於唐武德十年、嘗入貢。貞觀五年、

求內附。太宗不受。至高宗永徽時、始以其地為康居都督府。即授其王為都督。其餘諸國、亦同

時朝貢相屬。置府州。受封冊。迨天寶中、唐討斬石國王。諸國皆怨。王子走大食乞兵。攻敗唐軍。

自是臣大食。

時波斯寢衰。其境內屢釀宗教之亂。與嗣統之爭。國勢日靡。比嚙唃王侵其東鄙。乃納歲幣以

和。後百餘年間。嚙唃恆役屬波斯。干涉其國王之廢立。齊梁之際。為嚙唃極盛時。朝貢於彼者

三十餘國。其疆域南至新頭河口。北暨烏滸河。西服波斯。東役屬天山南路。

逮梁武帝普通元年。北天竺烏菴

即烏仗那在今阿富汗境內

國毗訖羅摩迭多大王起日出。屢破

嚙唃。驅諸天竺之外。時突厥亦起於金山之陽。先滅柔然。頻擊嚙唃之背。嚙唃南敗於天竺。北

迫於突厥。至陳文帝天嘉三年。國遂分崩。突厥取而代之。奄有今內外蒙古及中亞地。建空前

之一大帝國。故於下章即接敘突厥立國之本末。

第四章 突厥之興亡

自後魏太武北征。柔然之勢遽衰。不復寇邊。至梁天監七年。大檀五世孫醜奴立。號豆羅伏跋

豆伐可汗。壯健善用兵。西破高車。盡并叛者。國遂強盛。其弟阿那瓌嗣為敕連頭兵可汗。亦能軍。會後魏分東西。相構兵。競厚遺歲幣。以結好柔然。阿那瓌於是益驕。

突厥。即今之土耳其族。故柔然之屬部。世居金山之陽。梁大同中。有土門者。為其部長。饒勇略。北擊破鐵勒。一作勅勒。即高車。降其衆五萬餘落。恃其強盛。乃

求婚於柔然主阿那瓌。不許。反使人詈辱之。土門怒。發兵擊柔然。大破之。阿那瓌自殺。其子奄羅辰奔北齊。餘衆復立阿那瓌叔父鄧叔子為主。土門遂自號伊利可

汗。死。子乙息記可汗立。又擊破鄧叔子。且死。捨其子而立其弟俟斤。是為木杆可汗。性剛暴。勇而多智。務於征

伐。率兵擊鄧叔子。破之。鄧叔子收其餘燼奔西魏。突厥取而殺之。遂滅柔然。時梁敬帝紹泰元年也。

俟斤又西破嚙唃。東走契丹。今東胡別種。蓋通古斯族。其時自今內蒙古東部。延於滿洲。西境。北并契骨。即唐之結骨。唐書曰。今蒙古堅昆國。或曰

結骨。蓋土耳其族。時蕃殖於今西伯利亞。葉尼賽河上游地。威服塞外諸國。其地東自遼海以西。至西海。今阿拉海。萬里。南自沙漠。以北。至北海。五六千里。皆屬焉。抗衡中國。建牙帳於都斤山。都斤。都尉從。今外蒙古杭愛山。

突厥時石像



之東支阜西魏恭帝三年、俟斤襲擊吐谷渾、破之。屢與北周聯兵伐北齊。周武帝納俟斤女爲

后。俟斤死、復捨其子大邏便而立其弟。是爲他鉢可汗。他鉢以攝圖爲爾伏可汗。統其東面。又

以其弟褥但爲步離可汗。居西方。自俟斤以來、其國富強。周既與之和親、歲給厚幣以結好。齊

亦懼其寇掠、傾府藏以給之。他鉢彌復驕傲。有凌轢中夏之志。病且卒。命其子菴邏避大邏便、

及卒。國人竟立菴邏。大邏便不服。菴邏不能制。攝圖代立。號沙鉢略可汗。菴邏降居獨洛水。圖今

河拉稱第二可汗。沙鉢略以大邏便爲阿波可汗。還領所部。又沙鉢略從父玷厥居西面。號達頭

可汗。初、波斯元魏神龜中其國遣使上書貢物云大國天子天之所生願日出處常爲漢中天

中大通二年始通江左遣使獻佛牙隋煬帝時薩斂尼疊朝王哥士儂或作奴一世在位時。梁

遣雲騎尉李昱使通波斯尋有使隨昱貢方物至兩河間。即烏爾阿近那色波即唐時之小史國

布哈之地。敗海脫勒汗。至是哥士儂與突厥合破嚙噠。東略地至新頭河。又西與東羅馬帝入

斯底尼亞一世相搆兵。旋又與沙鉢略失和。陳臨海王光大二年、沙鉢略遣使於東羅馬通好。

羅帝入斯丁、亦遣使於其都斤山牙帳。與可汗約夾擊波斯。

隋初、待突厥甚薄。沙鉢略大怒。悉衆分道入寇。隋文帝發大軍出塞擊破之。會長孫晟使突厥。

還上書。請密運籌策以離諸部。文帝納用之。由是諸部果相猜貳。晟復縱行反間。沙鉢略故忌

阿波聞其遣使朝隋。因先歸襲破所部。阿波還無所歸。西奔達頭。達頭怒。遣阿波率兵而東。部落歸之者衆。遂與沙鉢略相攻。連兵不已。突厥因分爲二。達頭請降於隋。沙鉢略旣爲西突厥所困。又東畏契丹。屢遣使致書告急於隋。請度漠寄居塞內。隋許之。遂上表稱臣入貢。以陳後主禎明元年死。弟葉護可汗立。以隋所賜旗鼓西征。生擒阿波。尋中流矢卒。沙鉢略子都藍可汗立。其弟染干。號突利可汗。居北方。遣使求婚。隋欲離間突厥。故妻以宗女。特厚其禮。令南徙近塞。賜賚優厚。都藍果怒。與達頭合攻染干。染干奔隋。隋拜爲啟民可汗。於朔州築大利城。在山西北歸化城西。以處之。繼徙河南州。夏勝二爲畜牧地。都藍旋爲其下所殺。達頭自立爲步迦可汗。其國大亂。先是阿波旣見執。西突厥更立泥利可汗。仁壽元年。泥利爲鐵勒所敗。步迦亦以所部多叛。奔吐谷渾。啓民藉隋擁護。得還牙。撫有其衆。終其身事隋良謹。以煬帝大業四年死。子始畢可汗立。復入寇。會隋末亂離。羣雄之割據一方者。競稱臣突厥。藉樹繫援。卽唐高祖初起時。亦嘗稱臣借兵。賂遺極厚。突厥於是頗輕唐。經始畢弟處羅可汗。而至頡利可汗時。與始畢子突利可汗。並糾隋遺孽。屢寇唐境。武德七年。復大舉南犯。高祖至欲遷都以避之。世民諫止。乃受詔出禦。因縱反間於突利。突利悅而歸心。遂不欲戰。其叔姪內離。頡利欲戰不可。乃請和。突利因自託於世民。願結爲兄弟。然頡利仍寇掠不絕。

太宗之新立也。二可汗復連兵入寇。太宗繫其使。率六騎親出責之。乃盟而退。貞觀元年。突厥諸屬部叛。突利討之。敗績。頡利怒。拘之。突利由是怨望。三年。遣使奏言。與頡利有隙。請擊之。頡利每委任諸胡。疎遠族類。胡人貪冒。性多翻覆。以故法令滋彰。兵革歲動。國人患之。諸部携貳。頻年大雪。六畜多死。國中大餒。用度不給。復重斂諸部。由是下不堪命。內外多叛之。

鐵勒。故匈奴苗裔。種類最多。自西海之東。依據山谷。往往不絕。自突厥強盛。鐵勒諸部分散。薛有

延陀回紇都播骨利幹多兒葛同羅僕固拔野古思結渾斛薛奚結阿跌契苾等


皆居磧北。臣屬突厥。唯薛延陀。回紇。二部最強。會頡

利政衰。薛延陀部長夷男。率其徒屬反攻頡利。大破之。於是諸部多叛歸夷男。共推爲主。夷男不敢當。唐太宗方圖頡利。乃遣使問道册拜夷男爲眞珠毗伽可汗。賜以鼓纛。夷男遣弟入貢。頡利懼。始稱臣。請尙主。太宗以其旣請和。復援梁師都。貞觀三年。乃命李靖爲行軍總管。統衆十餘萬討之。突利等並帥所部來降。明年。靖進軍襲擊。屢大破之。遂滅其國。頡利敗竄見擒。突厥旣亡。其部落或北附薛延陀。或西奔西域。其降唐者尙千萬口。朔塞遂空。太宗乃分突利故地爲四州。頡利故地爲六州。左置定襄。右置雲中。二都督府。以統其衆。夷男率所部東返故國。建庭於都尉犍山。上見回紇等諸大部落皆屬焉。十九年。夷男卒。國內亂。回紇襲破之。遂併其部曲。奄有其地。

回紇在薛延陀北境。居娑陵水。今色楞格河側。即後世之輝和爾也。唐初有菩薩者。長其部。勁勇有膽略。與薛延陀共破突厥。回紇由是大振。貞觀二十年。其酋帥吐迷度。與諸部破殺薛延陀多彌可汗。薛延陀餘衆尙五六萬。竄於西域。太宗遣李道宗等分道進擊。破之。途遇回紇。遣使撫諭。其酋長皆請入朝受吏。太宗親幸靈州。納之。其後薛延陀餘衆。共推夷男兄子咄摩支爲主。太宗復遣李勣進討。咄摩支降。其部落仍持兩端。勣縱兵追擊。斬獲甚衆。二十二年。回紇等十餘部。以薛延陀亡散殆盡。乃相繼歸唐。太宗各因其地土。擇其部落。置爲州府。凡六府。回紇爲前海僕骨爲金微多兒葛爲燕然拔野古爲幽陵同羅爲龜林思結七州。渾爲卑闐斛薛爲高調奚結爲鶻鹿阿跌爲爲盧山。爲田契必爲榆溪思結別部爲踰林白碧爲

眞拜其酋長爲都督刺史。又置燕然都護以統之。突厥阿史那突厥之姓可汗之族。有車鼻斤汗者。收合餘燼。保金山之北。兼統西歌羅北骨結二部。二十三年。太宗遣高偁引兵襲擊之。高宗永徽元年。追獲車鼻。於是突厥盡爲封疆之臣。分置單于。瀚海。二都護府。單于都護。領狼山。雲中。桑乾。三都督。蘇農等一十

回紇時宮蹟



四州。瀚海都護、領金微、新黎等七都督。仙萼、賀蘭等八州。各以其首領爲都督刺史。中外此貞觀中嘗以骨

府利幹地置立開州結骨地置堅昆都督府永徽元年又以薛延陀地置漢州唐既平突厥。復欲併西突厥。因先擊高昌。高昌國於天

山東。漢車師前王庭。後漢戊己校尉故地。其界東西八百里南北五百里齊明帝建武四年。麴

嘉立爲王。始爲塞外一強國。唐初。嘉七世孫文泰嗣。多邊絕西域朝貢。及拘留中國人。又與西

突厥連結。將擊伊吾。伊吾先臣西突厥此時已降唐尋擊破焉耆。貞觀十四年。遣侯君集擊高昌。明年滅之。下

其郡三。縣五。城二十二。戶八千四十六。以其地爲西州。治前庭今新西突厥將成可汗浮圖車

師後庭今新經迪化府懼而來降。以其地爲庭州。於是唐地與西突厥接壤。

西突厥泥利可汗卒。子處羅可汗立。入朝於隋。留不遣。國人共立達頭孫。號射匱可汗。建庭龜

茲北之三彌山。即今新疆庫車直隸州北之汗騰格里山玉門。關名在今新疆安西以西諸國多役屬之。死弟統葉

護可汗嗣。勇而有謀。善攻戰。遂北并鐵勒。西拒波斯。南接罽賓。悉歸之。徙庭石國。今俄國塔什干城北

之千泉。今阿爾斯河霸有西域。諸國王悉授頡利發。頡利發一作俟利發即元史之合里法西而遣

一吐屯。監統以督賦。西戎之盛。未之有也。居無何。爲其諸父莫賀咄所弒。國大亂。閱數傳。至陸

利失可汗。時西部更立莫賀設之子欲谷設爲乙昆咄陸可汗。與陸利失大戰。因相與中分其

國。以伊列河。即今伊犁河爲界。西屬咄陸東屬陸利失未幾西部兵衆漸強。咄陸遂統一兩部。浸暴虐。貞觀十

五年部下謀欲廢之。各遣使詣唐。請立可汗。太宗遣使齎璽書立莫賀咄子爲乙毘射匱可汗。咄陸走死。其族賀魯以貞觀二十二年奔唐。居庭州。永徽二年。率衆西遁。併射匱部落。總有西域諸國。自號沙鉢羅可汗。勢日強大。數寇唐邊。高宗再命將擊之。未卽平。顯慶二年。更遣蘇定方等率師討擊。屢大破之。迄俘賀魯以歸。分西突厥地置崑陵、居碎葉川西碎葉、濛池、居碎葉川東二都護府。其所役屬諸國。皆分置府州。西盡於波斯。並隸安西都護府。調露元年。西突厥餘孽復與吐蕃連和。侵徧安西。時波斯已爲大食所滅。國王卑路斯子泥涅師質唐。高宗命裴行儉將兵以護送泥涅師還國爲名。出不意。遂禽其渠。簡精騎進掩叛黨。皆降之。遣泥涅師自還其國。不能達。波斯遂并於大食。是年冬。單于府突厥亦反。明年。永隆元年行儉復討平之。

第五章 吐谷渾党項吐蕃天竺與唐之關係

吐谷渾傳國至隋唐間。乘中國多難。屢寇河西隴右。貞觀九年。太宗命李靖擊破之。吐谷渾於是稱臣內附。

其南有党項。羌宕昌党項皆一音之轉古析支地。山谷崎嶇。約三千里。以姓別爲部。大者萬騎。小數千。其間

惟拓跋氏。之即西夏最强。及吐谷渾既款附。党項諸酋長。先後悉內屬。以其地爲府州。卽首領拜

都督刺史。於是自沙首積石山。在今甘肅西而東。皆爲中國地。唐界遂直接吐蕃。

吐蕃，卽今西藏也。土地高曠，山谷阻深，故未嘗與中國通。唐貞觀初，棄宗弄贊君其國，其爲人慷慨才雄，篤信佛法。年十六，卽贊普吐蕃君長之號位。遣大臣十六人至天竺，傳韻學，譯經典。且本釋

教宗旨，修政治，制刑法。弄贊旣勵精內

治，復外拓幅員，南降藍摩，在今印度西

格爾之北泥婆羅，西臣西域諸國。貞觀

八年，遣使貢唐，仍請婚。太宗不許。弄贊

怒，疑吐谷渾間已，遂東擊走吐谷渾。又

攻破党項、白蘭羌。在党項東今四川

司地諸土勒兵二十萬，入寇松州。今四川

太宗遣侯君集等進討，夜鑿斬千級。弄贊懼，引去。以使來謝罪，固請婚。十五年，妻以宗女文成


公主。弄贊自是慕中國服飾禮義之美，自襲華風。遣諸豪子弟入唐國學，習詩書。又請儒者典

章疏。吐蕃旣臣唐，而其南境經泥婆羅，可直達中天竺。故唐與天竺之交通，亦由是滋密。

天竺自北方烏菟國毗訖羅摩迭多大王出，驅嘍噓於境外，遂併西、北、中、三方。而雄視五天竺。

又頗興厲文學。天竺人於五百年間，積苦外寇，意氣沮喪，比得英主，大局條一新。學術文治復

西 藏 文 字



昌約梁簡文帝大寶元年。尸羅逸多一世出。承毗訖羅摩迭多之後。仍為天竺霸王。闕再傳。至唐武德中。國大亂。名王尸羅逸多二世出。勒兵戰。無前。衆不弛鞍。士不釋甲。因討四天竺。皆北面臣之。都北濱禪連河。新唐書作迦毗黎河。即今乾吉思河。之茶罽和羅城。見上曲女城注。獎文學。興佛法。詩人。學士。高僧。雲集其廷。要之自毗訖羅摩迭多大王之興。以迄尸羅逸多二世之歿。凡百二十八年間。洵推印度之黃金時世。印度近世文學之發達。胥於彼時。繼長增高也。

尸羅逸多二世。與唐太宗同時。太宗既滅突厥。服土蕃。國威震於殊俗。會唐僧元奘至天竺。尸羅逸多召見。曰。而國有聖人出。作秦王破陣樂。試為我言其為人。元奘粗言太宗神武平禍亂。四夷賓服狀。王喜曰。我當東面朝之。貞觀十五年。自稱摩迦陀。西域記作摩揭陀。佛國記作摩竭提。在今孟加拉部。乾吉思河

兩岸桑河王。遣使朝貢。太宗命使持節尉撫。尸羅逸多驚問國人。自古亦有摩訶震旦。外國為摩訶震旦

使者至吾國乎。皆曰。無有。乃出迎。膜拜受詔。戴之頂。復遣使隨入朝。詔使報之。大臣郊迎。傾都邑縱觀。道上焚香。尸羅逸多率羣臣東面受詔書。復入貢。二十二年。遣王玄策使其國。未至。尸羅逸多死。國人亂。其臣那伏帝阿羅那順自立。發兵拒玄策。玄策挺身奔吐蕃。以吐蕃泥婆羅之兵。破阿羅那順。擒之而還。自是五天竺皆讐唐威。相繼來朝。

尸羅逸多二世後。天竺復解紐。諸侯分據一方。靡所統一。會刹帝利種人興於西天竺。積久寔

得勢。遂討滅首陀種人所建諸王國而代之。初天竺文學再興。漸知摯究古籍。因而婆羅門教徒。所至恢復舊勢。修改教法。而創溫都教。約直唐德宗貞元初。婆羅門教偉人商羯羅阿闍黎。即印度史攬要之皮哈爾。婆羅門聖人古瑪利亞。之屬出。爲溫都教吐萬丈光燄。排擊佛教。刹帝利種人。乘機崇奉溫都教以媚之。於是自唐玄宗開元二十八年後。迄石晉高祖天福五年間。刹帝利種人。握天竺西偏霸權。佛教削迹於其境。溫都教代爲國教。於政治間。則刹帝利種人與首陀種人爭權。於宗教間。則佛教與溫都教爭長。天竺之國勢寢衰。時阿刺伯天方教徒。既併波斯。頻侵西天竺。遂爲異日沙蘭生奉天方教者之稱。人秉天竺政權之張本。

第六章 唐與中亞之關繫大食之興波斯之亡

唐既平東西突厥。昭武九姓。詳見卷下近世棋第。與吐火羅諸國。復相繼內附。天山南北路。及烏濟河兩岸地。皆爲唐屬。唐境始與波斯接。貞觀六年。波斯王庫薩和西史作哥士德。曾孫伊嗣侯西史作伊。立會其讎突厥寢衰。差免東顧憂。顧其時阿刺伯天方教徒。已建大食國。古稱阿刺伯。人若曰大押大希。或塔起克皆與國。漸迫波斯。以故西陲頗多事。大食音近故中國有大食之稱。

陳宣帝太建元年。諱在太建三年。西史要謂在二年。今從西史綱目。阿刺伯麥加。今阿刺伯


城部會孤列來即哥族人摩訶末生。至隋大業七年。年四十。而著可蘭經。融會猶太、基督、諸教。別創一新教。所謂天方教是也。行教十二載。直唐武德元年。麥加人

末 訶 摩



仍不之信。孤列族且羣起攻之。摩遁之摩地那。即麥地那今屬後天方教以是年紀元。表教行始此也。摩遂以兵力行教。漸平定阿刺伯全國。登大教師位。以

麥 加 之 喀 卑 廟



貞觀六年卒。其妻父阿蒲比格嗣爲加利弗。繼緒之意

大教師政彼等欲使此新教於阿刺伯而外。光被四表。

乃西侵東羅馬亞非二洲屬地。泊阿蒲比格讓位於阿

馬。復東略波斯西鄙。波斯王伊嗣俟屢戰皆敗。爲阿馬

及鐵密莫末賦。西史作阿多曼調所迫出奔。終見殺。子

卑路斯立。降唐。龍朔元年。高宗以其國都疾陵城。今波斯國

都城希爲波斯都督府。拜卑路斯爲都督。三年。大食復

擊破之。上元元年。卑路斯入朝於唐。尋卒。其地遂悉爲

大食所據。波斯煞薩尼疊王家。凡四百四十年而亡。

大食之破波斯也。素聞唐室威靈。復憚波斯將依唐。承


徽二年。鐵密莫末賦始遣使通好於唐。厥後大食使來朝唐者頗夥。既滅波斯。更次第東嚮。蠶

食烏滸河以北地。又南嚮屢侵天竺。開元初。其勇將庫退拔。從元史譯自鑠汗。今俄國費爾干省進踰

慈嶺。據疏勒。將侵唐地。以乏水草還軍。遣使入唐進馬。及他方物。別將卡西母。始略新頭河上

游地。今旁道將以廣天方教之傳。功雖不成。然其後西天竺卒爲沙蘭生人所役屬。

麥 加 禮 拜 教 堂



要之此數十年間。洵大食極盛之世。蔥嶺以西。地全彼屬。彼頗用苛法。強迫所屬居民。改從天方教。故佛教先衰於中亞。其在天山南路之勢力。亦漸減。

第七章 唐統理屬地法

唐太宗高宗兩朝。國勢之盛。曠古無兩。雖力征經營。專屬東、西、北、三面。於南徼或未暇及。而威聲遠播。南方諸小國。先後朝貢稱藩。如占婆、今中國交趾、真臘、今柬埔寨、扶南、今暹羅、婆利、今婆羅洲、閩婆、今爪哇、室利佛逝、今蘇門答剌、諸國。以及東謝、今四川涪州境、西趙、今雲南趙州等處、牂牁、今貴州、諸蠻。皆於其時來廷。於是唐威令所行。東綜遼海。北跨大磧。西被達曷水、今低格里河。南極天竺。暨海中洲上諸薄國。既擁此廣土。欲籌所以統理之者。乃卽其部落。列置州縣。其大者爲都督府。以其首領爲都督刺史。皆得世襲。雖貢賦版籍。多不上戶部。然聲教所暨。皆邊州都督都護所領。著於令式。其突厥、回紇、党項、吐谷渾、隸關內道者。凡府二十九。州九十。突厥別部及奚、東部鮮卑字文之別種。據今內蒙古喀喇沁部地、契丹、靺鞨、降胡、百濟、高麗、隸河北道者。凡府十四。州四十六。突厥、回紇、党項、吐谷渾之別部。及自于闐以西、波斯以東、十六國。隸隴右道者。凡府五十一。州百九十八。羌、蠻、隸劍南道者。凡州二百六十一。蠻、隸江南道者。凡州五十一。隸嶺南道者。凡州九十三。又有党項州二十四。不知其隸屬。大凡府州八百五十六。號爲羈縻云。都督府爲數較多。又分併置罷不常。茲不具載。都護

府、例置大都護一。副大都護、副都護、各二。皆由唐廷特簡。其治所、及所統。列表如左。

都護府治

所

一、安西都護府、

貞觀十四年置。治西州。顯慶三年徙龜茲。咸亨元年。陷。武后時復。肅宗改鎮西。尋復。

統西域天山南路、至波斯以東、

二、燕然都護府、

貞觀北移。治一年置。更名。遷徙不常。後定。北。黃河。北岸。

統漢北、

三、單于都護府、

永徽元年置。治長。武。軍。即。改。雲。中。龍。元。年。改。單。于。金。

統陰山之陽、黃河之北、

四、瀚海都護府、

同。改。雲。中。龍。元。年。改。單。于。金。

統漠南、

統西突厥五咄陸部落、

五、崑陵都護府、

治。碎。葉。二。川。東。置。

統西突厥五弩失畢部落、

六、濛池都護府、

同。治。碎。葉。二。川。東。置。

統高麗百濟降戶、

七、安東都護府、

總。明。年。置。治。平。壤。二。年。徙。平。州。天。寶。二。年。廢。

統金山以西、及天山北路、

八、北庭都護府、

治。庭。州。後。略。

統諸蠻、

九、安南都護府、

治。交。州。今。

十、峯州都護府

治嘉帝今安南太原道

統蜀巒蠻、

唐既建此一大帝國。四方之政輻輳。因之東亞西亞之交通日盛。諸外教之東漸者亦多。於當時文化間。影響頗鉅。故於下章。宜先述唐代東西交通之形勢。

第八章 唐代東西互市

其一、陸道。東西陸路之交通。至唐而極盛。先是隋煬帝時。方勤遠略。以伊吾、高昌、鄯善、爲西域之門戶。敦煌爲總湊之咽喉。而張掖實爲東西互市之中心。西方賈人。嘗集其地者數十國。比唐興。經略四夷。闢天山南北、蔥嶺東西、之孔道。西域諸商胡之東來者。固日多。中國人之商於昭武九姓、波斯、天竺、等地者。亦不尠。彼善治生、樂觀時變、之腓尼基人。乘機而握西起歐非、東達中國、之商權。或從紅海、經印度洋、而來中國之南海。或從地中海東岸之安提阿、經呼羅珊、中亞、天山南路、而至中國之長安。迨大食國勃興。而阿剌伯人漸廓商界。乃合海陸而統握其互市權。

其二、海道。直兩漢魏晉時。羅馬商船。獨擅印度洋之航海權。比佛教逐漸東行。而錫蘭、與南洋諸國、及中國之間。坦途以闢。中國之海運漸興。其經瓜哇、蘇門答刺、而至錫蘭之航路。遂歸中國人手。閱南北朝而逮唐初。中國佔船益拓其航路。或由錫蘭、傍西印度海岸、而入波斯灣。

權。當唐盛時。阿刺伯人之通市於其沿海諸港。若廣州、泉州、杭州者良夥。唐於諸港。例置提舉市舶官。徵收課稅。為歲入一大利源。

要之唐代二百數十年間。中西互市。海陸均極一時之盛。厥後大食中衰。唐亦式微。市況乃漸蕭索。

第九章 諸教之東漸及佛教所由盛

西方諸教。曩行於中亞地者。茲緣東西之交通滋密。皆次第東漸。諸教士之銳意傳教者。競欲詣富強之中國而一試。綜計之。先後凡四。祆教、摩尼教、景教、天方教是也。

一、祆教。祆教即瑣羅斯的即宋端覽西語之所謂蘇魯支教也。瑣羅斯的。姓巴喇。波斯之拔克德里人。以

周靈王二十一年創行祆教。其說謂創造天地萬物者。曰加百列。創造之後。有陰陽二神司之。陽神曰祆爾摩。專司一切清淨美善之事。陰神曰亞利曼。專司一切污濁醜惡之事。其下各有


從神。相角不已。雖陰神恆利。然一萬

二千年後。陽神必全勝。勸人避陰嚮

陽。由是仁遏瓦斯大經。遂傳於世。以

火為光明之體。教人拜火。以日為光

祆教祭天壇



明之原。亦教人拜日。

後人稱曰火教亦曰太陽教

是爲祆教之始。其教拜祆爾摩。故曰祆教。波斯人羣尊瑣

羅爲聖。以仁遏瓦斯大爲聖經。其時王古列亦甚篤信之。創行未幾。巴比倫、希臘、羅馬皆風行

焉。至亞答澤耳士一世王波斯。遂定爲國教。洎經南北朝時。其教似已稍稍浸淫蔥嶺以東。比

大食崛起。奄有波斯及中亞地。其土人之奉祆教者。不堪天方教徒之虐待。因之徙居東方者

日多。祆教愈益東漸。迨唐貞觀五年。有傳法穆護若今牧師何祿。將祆教詣闕聞奏。敕令長安崇

化坊立祆寺。爲之置祆正、薩寶府官。主祠祆神。率以胡祝充之。

其二、摩尼教。摩尼教者。晉武帝太始七年。波斯人摩尼所創。取祆教舊說。參以佛教。基督教

精言。而別成一派。當唐初。似其教已由波斯傳入中國。及唐中葉以還。恆借回紇兵平亂。其有

戰功者。得留京師。復乃創邸第神祠。武宗會昌中。回紇衰弱。降幽州者。前後一萬餘人。皆散隸

諸道。回紇人故奉摩尼教。憲宗元和二年。回紇請於河南府太原府置摩尼寺。許之。此即今諸

從立之所其教稍流布中國。

其三、景教。景教者。基督教之一派。宋文帝元嘉三十年。東羅馬基督教徒乃司脫利安。倡新

義。謂耶穌爲立教之聖人。非卽上天之子。不宜傳會穿鑿。爲衆教友所不容。謫居亞爾美尼亞

地。其地之基督教徒多從之。號乃司脫利安派。後得波斯王尊信。頗行於中亞。南北朝末。已流

入中國。

至唐貞

觀九年、

大秦上

德也僧阿

羅本。將

經像來

獻長安。

太宗詔


所司於

義甯坊

造寺一

所。度僧

二十一



佛 教 聖 非 宗 聖 心 德 丁 世 十 第

人。十九年，拂菻即都君士坦丁之東羅馬帝王波多力即第三庇留遣使貢獻。高宗時，崇阿羅本爲

鎮國大法王。仍令諸州各置景寺。其所以謂之景教者，取炳曜教旨之義也。唐諱阿羅本立宗天寶

四年，詔波斯經教本出大秦。其兩京波斯寺宜改大秦寺。德宗建中二年，大秦寺僧景淨建景

教流行中國碑。後其碑久湮。至明末始發現。可資以考見其時行教之情事。

其四、天方教。天方教以後世回回種人咸奉之。故亦名回教。實嚴肅之一神教也。創自摩訶

末。其信徒以征服異教。迫使迴嚮。爲當務之急。及大食瘡疆。教益廣衍。漸流入天山南路。旋乘

其地佛教之衰。取而代之。大食東南境傳海。厥教復浸淫被南洋諸島。航海來中國。請於唐廷。

置法堂於廣州。依本教供養。從事宣教云。

以上諸教。皆頗流行於唐中葉。比武宗卽位。專嚮道教而嚴禁其餘。率陵替就湮。惟天方教漸

得勢於天山南路。景教亦稍行於中國邊境爾。

其五、佛教。自漢代佛教傳中國。後雖洊經諸外教之東漸。而佛教之勢。曾不爲之少損。且閱

魏晉南北朝至唐。轉極隆盛。其故有肆。

壹、東晉以來。印度及中亞地之佛教徒。遠遊中國者。項背相望。或遵陸。而經天山南路。以趨北

廷。或航海。而歷南洋諸國。以達南朝。其間若佛圖澄、鳩摩羅什、菩提達摩等尤著。達摩卽梁武

帝朝渡海東來之名僧也。此類梵僧。皆委身於闡教譯經。以廣其傳。

貳、老莊之學。與佛教宗旨頗近。其學既盛行於魏晉以來。故佛教亦因而增勢。

叁、南北朝諸君主。大抵皈依佛法。如後趙石勒、前秦苻堅、後秦姚興、宋文帝、梁武帝、後魏宣武

帝、尤殷崇獎。故佛教得諸君主皈依護法。遂益傳播於民間。

肆、緣佛教之流行。中國僧徒亦多遠遊西域天竺以求法者。冀此行賣還大藏釋典。以昌佛教。

其間若法顯、宋雲、玄奘、義淨輩。尤著於世。法顯以晉安帝隆安四年。後秦姚興宏始二年。發長

安度隴。經天山路。踰蔥嶺而入天竺。所至。求戒律。學梵書梵語。寫傳其本。最後。到師子國。上

大舶南還。至青州長廣郡界。自啓行。六

年。到中天竺。停六年。還。三年。達青州。凡

所遊歷。都三十國。著有佛國記。後百餘

年至元魏孝明帝神龜元年。梁天監胡十七年

太后復遣比丘惠生、與燉煌人宋雲、取

經於北天竺。凡閱四年而還。得經一百

七十部。著有使西域記。後又閱百餘載。

像 奘 玄



而唐名僧元奘衰然出。奘姓陳氏。洛州偃師人。大業末出家。博涉經論。嘗謂翻譯多有訛謬。故就西域廣求異本。以參驗之。貞觀三年。隨商人往遊西域。出高昌故地。遠道凌山。今北北出大天池。今特默爾徧游昭武九姓諸國。而後南入北天竺。奘既辯博出羣。所在必爲講解論難。蕃人咸尊伏之。歷遊百餘國。遍探聖蹟。訪名師。凡閱十七年。遂齋梵本六百五十七部以歸。仍采其山川、謠俗、土地所有。撰西域記十三卷。貞觀十九年。至長安。太宗見之。大悅。與之談論。詔將梵本翻譯。仍敕大臣碩學。相助整比潤色。至高宗顯慶元年。凡成七十五部。奏上之。奘以龍朔元年卒。年五十六。繼其後者。有僧義淨。以高宗咸亨二年。自中國南境。航海入天竺。亦閱二十五年。經三十餘國而後歸。齎還經典。至四百部之夥。職此諸故。佛教益盛。而支派卽因之而分。方佛教之始東漸。其宣教諸梵僧。率專務譯經。衍釋迦之遺緒。初無暇及門戶之見。迨閱時浸久。因盛滿而生異趨。宗旨旣歧。流別漸肇。自西晉迄唐初四百年間。先後聿分十三宗。卽涅槃、地論、攝論、成實、俱舍、五宗。或附他宗。或勢較微。可從略。要宗不過有八。眞言是也。顧其中涅槃、地論、攝論、成實、俱舍、五宗。或附他宗。或勢較微。可從略。要宗不過有八。皆盛行於唐代。時日本與唐交通頗數。故未幾又悉傳入日本。今欲俾閱者瞭然於中國諸宗之盛衰。及其傳入日本之時期。爰列表如左。

在中國之盛衰

傳入日本之時期

宗名

初起

中盛

末衰

一 一律

三國末

唐初

元末明初

孝證天皇時

一三三論

東晉末

南北朝

唐末

推古天皇時

三淨土

同上

自唐迄明

國朝

與日本淨土宗無涉

四 禪

梁時

同上

同上

後鳥羽天皇時

五天台

陳時

隋及唐初

唐末

桓武天皇時

六華嚴

唐太宗時

自隋迄唐中葉

同上

聖武天皇時

七法相

同上

唐中葉

同上

睿明天皇時

八真言

唐玄宗時

同上

同上

桓武天皇時

要之有唐一代。爲佛教最盛之世。唐末。舍律、禪、淨土三宗外。餘皆衰替。

第九篇 唐之中晚

第一章 武韋之亂

初高宗之爲太子也。見太宗才人武氏而悅之。比卽位之五年。陰納諸後宮。明年。遂廢后王氏。

而立之。褚遂良、長孫無忌等力諫，皆貶死。未幾高宗苦風眩，不能視，百司奏事，或使武后決之。后性明敏，涉獵文史，處事皆稱旨。由是始委以政事，權與人主侔。高宗以弘道元年崩，子中宗立。后旋廢之而立豫王旦。即中宗之弟睿宗自臨朝稱制。於是李勣、孫敬業、太宗孫瓌、瑯琊王沖即王等先後舉兵匡復，皆不克而死。后遂大殺唐宗室親黨，及將相大臣，改國號曰周，稱皇帝。以豫王旦爲王嗣，改姓武，立武氏七廟。后多嬖倖，內行不修，懼國人不服，乃任用酷吏以箝制天下。然有權略，能用賢才。若婁師德、狄仁傑、張柬之、輩諸名臣，咸集於朝，以宰相得人，故民生粗安。已而后寢疾，張柬之等舉兵討亂，斬諸嬖倖，迫后禪位。中宗復辟，后徙居上陽宮，上尊號曰則天大聖，世因稱之爲則天武后。

方中宗見幽廢時，后韋氏與共艱危，時相護持。中宗深德之，比復位，韋后遂預朝政。如武后在高宗時，后有淫行，忌中宗，尋弑之而立其幼子，自攝政。豫王子隆基起兵討韋氏，並其黨皆伏誅。迎豫王即位，未幾內禪，隆基立，是爲玄宗。

第二章 玄宗初政

玄宗即位之初，姚崇、宋璟相繼入相，勵精圖治，政平民阜，故唐之治世。前推貞觀，後稱開元。宗之自高宗晚年以來，唐內亂疊興，國威中替，大食、吐蕃、回紇諸國，屢乘隙擾邊。至是威弧復張。

聲教遠被。失地盡復。乃置十節度。節度使始於永徽以後。至景雲二年。遂以名官鎮兵四十九萬人。馬八萬餘匹。

一、安西節度。撫甯西域。治龜茲城。

二、北庭節度。防制突騎施。堅昆。治北庭都護府。

三、河西節度。斷隔吐蕃突厥。治涼州。

四、朔方節度。捍禦突厥。治靈州。

五、河東節度。與朔方犄角。以禦突厥。治太原府。

六、范陽節度。臨制奚。契丹。治幽州。

七、平盧節度。鎮撫室韋。契丹別種。地在黑龍江西北。治營州。

八、隴右節度。備禦吐蕃。南撫蠻獠。治益州。

九、嶺南五府節度。綏靜夷獠。治廣州。

十、長樂節度。治福州。

此外又有東萊守捉。萊州領之。東牟守捉。登州領之。於是唐復威振塞外。

玄宗既外宣國威。復內獎文學。兼興道教。

一、文學。立宗嗜學。盛宏獎。粵自西漢以降。辭賦蔚興。卿字長卿如雲、揚雄字雲班、固張之徒。

後先輩出。率以奇麗爲工。閱東漢魏晉而至唐初。均承其流。競尙駢儷。詩文並涉靡曼。至高宗

及立宗之世。而詩家始有陳昂子張、九李、白杜、甫之徒出。力矯時習。風格一變。遂爲後世楷模。文

家則有元結等。舍儷體而爲古文。雖當時未盛行。而後數十年。韓愈、柳宗元輩出。爲之後盾。相與

提倡復古。卒起八代之衰。至令後世詩文。概以唐爲式。未始非立宗崇文之效也。

二、道教。道教之原。出於老子。其徒言老子先天地生。以資萬類。上處玉京。爲神王之宗。下在

紫微。爲飛仙之主。其爲教。咸蠲去邪累。澡雪心神。積行樹功。累德增善。乃至白日昇天。長生世

上。所以秦皇漢武。甘心不息。及張道陵受道於鵠鳴山。因傳天官章本。千有二百。弟子相授。其

法大行。齋祠跪拜。各成法道。有三元、九府、百二十官。一切諸神。咸所統攝。又稱劫數。頗類佛經。

及其劫終。稱天地俱壞。至於化金銷玉。行符勅水。方術萬千。上云羽化飛天。次稱消災滅禍。故

好事者往往尊事之。蓋自戰國末方士之徒。附會黃老。莊列。別創一宗教。至漢季。始有道教之

名。後因目奉其教者爲道士。方佛教之東來。道教亦作經似刺取釋典之義。建觀詞詩。閱魏

晉南北朝。與佛教並行。至李唐與老子同姓。乃祀爲遠祖。追尊元元皇帝。詔諸州各建觀一所。

高宗時。令王公以下。皆習老子道德經。令明經舉人試策。元宗時。復令天下每家皆藏道德經。

道教自是爲唐之國教。終唐代極其隆盛。

第三章 安史之亂

玄宗御宇久。漸奢侈。耽晏樂。李林甫爲相。復務迎合煬蔽。於是賢臣去位。國政浸殺。及用安祿山。唐室遂中蹶。

安祿山。本營州雜胡。傾巧善事人。頗結玄宗左右。及寵妃楊氏。大得信任。初爲營州都督。充平

盧軍使。尋兼范陽節度使。御史大夫。賜爵東平郡王。唐將始封河北道采訪處置使。後又兼河

東節度使。既兼領三鎮。乃怙恃兵力。潛蓄異志。及楊國忠代李林甫爲相。與有隙。天寶十四載。

遂反。發所部兵。及奚契丹。凡十五萬。引兵而南。時承平久。府兵番上之制廢。始募置曠騎。充宿

衛。皆無賴。不習兵。河北州縣。望風瓦解。賊軍遂渡河。陷東京。僭號大燕皇帝。進逼長安。官軍禦

之潼關外。大敗。關陷。玄宗出奔蜀。次於馬嵬。在今陝西楊國忠爲禁軍所殺。貴妃楊氏賜死。將

發。留太子東討賊。尋卽位於靈武。今甘肅是爲肅宗。郭子儀。李光弼。諸名將。咸將兵來會。軍威

始盛。人有興復之望。

先是兩河地多陷。顏真卿起兵平原。今山東其從兄杲卿。起兵常山。今直隸張巡起兵雍邱。今

南縣。雖二顏相繼敗。賴巡與許遠固守睢陽。今河南保障江淮。扼賊不得南下。益以李郭協力。

回紇助順。賊勢漸蹙。而內訌亦作。祿山愛少子。欲立爲嗣。長子慶緒懼而弑之。未幾其將史思明復殺慶緒。僭號。亦以愛少子故。致爲長子朝義所弑。官軍乘之。先於祿山死後。收復長安。肅宗與上皇先後還都。俱以寶應元年崩。太子卽位。是爲代宗。遣諸將會討。並再徵回紇兵。次第復東京及河朔。賊將多以城降。追斬史朝義。安史之亂始平。然唐內難雖靖。而國威遽衰。四夷交侵。藩鎮繼橫。唐祚以傾。

第四章 唐中葉以後之外交

唐自安史亂後。邊備久虛。外族起而乘之。迭擾邊境。其間唯回紇吐蕃與南詔最爲強大。

一回紇。自其酋吐迷度與諸部大破薛延陀多彌可汗。遂併其部曲。奄有其地。雖降唐受封拜。然已自稱可汗。署官號。皆如突厥故事。開元中。回紇漸盛。其酋骨力裴羅立。天寶初。擊滅突厥餘孽。突厥國於後魏大統時至是滅復襲破拔悉密。在今西北自稱骨吐祿毗伽闕可汗。徙牙烏德鞬山。昆河。今鄂爾之間。悉有九姓及二客部地。伯利亞之西南境一再遣使入朝。玄宗因冊爲懷仁可汗。斥地愈廣。東極室韋。西金山。南控大漠。盡得古匈奴地。已而裴羅死。子葛勒可汗立。剽悍善用兵。肅宗時。徵其兵平亂有功。因以幼女甯國公主出降。葛勒爲可敦。回紇且厚貽金繒。冊爲英武威遠毘伽可汗。葛勒死。子登里可汗立。以僕固懷恩女爲可敦。唐再借其兵。登里自將

而南。壁陝州。懷恩與回紇為先驅。遂平河朔。尋懷恩以為人構陷。怨憤而反。引回紇吐蕃一再入寇。俄而懷恩死。二國爭長。郭子儀邀說回紇帥。令襲擊吐蕃。斬獲無算。自是二國構怨。回紇自乾元年號宗後。益負功驕橫。時寇唐邊。唐不能禁。大曆十四年。代宗崩。子德宗立。登里欲因其喪入寇。宰相頓莫賀諫。不聽。怒而弑之。自立為合骨咄陸毘伽可汗。貞元三年。遣使獻方物。請和親。德宗初不欲納。李泌諫。乃以咸安公主下嫁頓莫賀。而冊為長壽天親可汗。回紇請改號曰回鶻。言捷鷲猶鶻然也。五年。天親可汗死。子忠貞可汗立。初回鶻俗樸而健。自與唐通。貪厚幣。染華風。浸流侈弱。沙陀西突厥別部。處月種。居金梁山之陽。蒲類海。即今巴爾庫勒海。別部六千帳。山即今外蒙。古札薩克圖山。蒲類海。即今巴爾庫勒海。與三葛祿。白眼突厥。素臣回鶻者。皆厭其衰索。至怨苦。密附吐蕃。吐蕃既與回鶻構怨。因率以擊回鶻。大敗之。回鶻大恐。稍南其部落。以避吐蕃。時貞元六年也。是歲忠貞可汗遇毒死。國內亂。勢浸蹙。其西北有黠戛斯部。即古堅昆。唐初結骨也。南依貪漫山即今俄國托穆斯克。東南之唐努鄂拉。敬以居。回鶻稍衰。黠戛斯酋長阿熱即自稱可汗。與回鶻構兵。二十年不解。唐文宗開成五年。回鶻可汗遂為阿熱所破殺。餘眾或西奔葛邏祿今新疆塔爾巴哈台以西。分投吐蕃安西。或南降唐詳於幽州者。或東北奔大室韋後仍為黠戛北。斯收歸。積北。耗散殆盡。其居甘州今甘肅府者。雖稱可汗。有積西諸城。亦無復昔時之盛。阿熱遂徙庭於牢山亦曰踏滿山。即金漫山。遣使自通於唐。唐武宗亦報使。持節臨慰其國。

又以黠戛斯自謂李陵之後。與唐同姓。詔阿熱著宗正著籍。至宣宗大中元年。卒冊爲英武誠明可汗。逮懿宗咸通間。凡三來朝。後遂無聞。

二、吐蕃。自棄宗弄讚與唐和後。爲之數年不犯邊。至高宗顯慶五年。吐蕃始遣兵擊吐谷渾。以其附唐故也。龍朔三年。兩國互相攻。各上表論曲直。求援。高宗皆不許。會吐谷渾叛。臣逃奔吐蕃。具言虛實。吐蕃復擊吐谷渾。大破之。吐谷渾主與唐公主棄國走。依唐境告急。咸亨元年。吐蕃更入殘羈縻十八州。率于闐取龜茲撥換城。於是安西四鎮並廢。高宗遣將率衆十餘萬討吐蕃。且援送吐谷渾還故地。反大敗。吐谷渾遂爲吐蕃所併。溯自晉永嘉末。建國至是。凡三百五十年而亡。其餘衆內徙於靈州之地。置安樂州。以其主爲刺史。自是吐蕃連歲寇唐邊。併諸羌蠻。唐師屢敗。其地東與唐涼益等州接。南極婆羅門。西取四鎮。北抵突厥。幅員萬餘里。西戎之盛。古未嘗有。武后時。王孝傑大破吐蕃。復取四鎮。長安二年。吐蕃遣其臣來求和。三年。遣使獻馬與金以求昏。至中宗景龍元年。遂以金城公主妻吐蕃贊普棄隸蹄贊。棄宗弄讚之立孫使楊矩送之。矩請與以河西九曲地。爲公主湯沐。其地水甘草良。宜畜牧。近與唐接。自是吐蕃益張雄。易入寇。再傳至孛悉籠臘贊。乘唐有安史之亂。連年蠶食。盡取唐河西隴右地。廣德元年。以羌渾二十餘萬衆深入爲寇。代宗出幸陝州。吐蕃入長安。縱兵焚掠。立唐宗室爲帝。留京師十

五日。聞郭子儀將大軍且至。乃惶恐遁去。其後視唐有內難。輒入寇。迨沙陀內徙。南詔告絕。其牙爪盡翦。國勢乃漸衰。穆宗長慶元年。遣使來朝。且乞盟。詔許之。彼此互遣大臣蒞盟。建兩國會盟碑於其都城邏娑。之即今西藏之拉薩時贊普病不事事。故不能抗中國。邊候晏然。嗣之者凶愎少恩。政益亂。遂內訌以迄於亡。

三、南詔。本哀牢夷後。烏蠻別種。夷語王爲詔。其先渠帥有六。自號六詔。蜀漢時爲諸葛亮所征。皆臣服之。蒙舍詔在諸部南。都羊苴咩城。即今雲南大理府治故稱南詔。唐玄宗時。南詔酋皮邏閣獨

疆。求合六詔爲一。許之。既并羣蠻。遂破吐蕃。寢驕大。又以破洱河。在今雲南太和縣東南受封雲南王。徙治太和城。在今太和縣南十五里天寶九年。死。閣羅鳳嗣。以唐邊吏失撫馭。忿怨。攻殺之。取唐州三十

二。而北臣吐蕃。吐蕃以爲贊普鍾。猶言贊普之弟號曰東帝。唐再討之。皆大敗。時天寶十一二年也。會

安祿山反。益乘釁攻陷唐劍南道西南二徼地。破降諸蠻國。建國號曰大蒙。大曆十四年。孫異牟尋立。苦吐蕃役賦之繁重。乃復歸唐受冊封。與吐蕃絕。乘吐蕃與回鶻戰。來徵兵。遣兵踵其後襲擊。大破之。後復屢勝吐蕃。及諸蠻。大闢疆宇。自是唐詔相掎角。吐蕃氣衰。勢漸不振。元和三年。異牟尋死。閱四傳。至懿宗初。酋龍立。自稱皇帝。建元建極。改號大禮國。先是太和三年。南詔已乘唐無備。寇成都。入其郛。大掠而南。至是復一再攻陷交趾。及嶺南西道諸州。官軍屢敗

沒。咸通七年，唐將高駘始大破南詔，恢復交趾。尋南詔復傾國入寇，陷唐嘉今四川嘉定府雅州府等州。力攻成都，不克，遁去。時南詔境跨交趾及驃國今緬甸間。酋龍死後，國勢浸衰，乃請和於唐。後唐亂，不復通。

第五章 藩鎮之強

藩鎮者，節度使之兵也。原其始，起於邊將之屯防者。洎乎開元，於邊要諸鎮，置八節度使。及安史亂興，中國雲擾，武臣以功起於陣列，爲侯王者，皆除節度使。由是藩鎮相望於內地。大者連州十餘，小者猶兼三四，專有其土地，人民甲兵財賦之大權，以布列天下。故府兵治壞，而藩鎮疆。京師弱，兵驕，則逐帥。帥疆則叛上，或父死，子握其兵而不受代，或取舍由於士卒，往往自擇將吏，號爲留後，以邀命於朝。天子力不能制，則忍恥含垢，因而撫之，謂之姑息之政。姑息愈甚，而兵將愈驕。由是號令自出，互相侵擊，虜其將，併其土。雖天子和解而莫肯聽。其始時爲朝廷患者，號河朔諸鎮。

代宗之初元，平史朝義，賊將薛嵩、張忠志、田承嗣、李懷仙等，先後以州降。唐君臣皆幸安，因瓜分河北地，付授降將，護養孽萌，以成禍根。亂人乘之，遂擅署吏，以賦稅自私，不朝獻於廷，效戰國肱髀相依，以土地傳子孫，脅誘士民，利怵逆汗，遂使其管內人，自視猶化外然。訖唐亡，百餘

年。卒不為王土。當其盛時。蔡附齊連。內裂河南地。為合從以抗天子。為盜者非止於河北而已。今取擅興若世嗣者。為藩鎮表如左。

魏博。田承嗣。傳五世。至田弘正入朝。十年。復亂。更四姓。傳十世。有州七。魏博相魏治魏州。今大

府名昭義。薛嵩。傳二世。至弟粦。為田承嗣所并。有州六。相衛邢治相州。今河南

成德。李寶臣。更二姓。傳五世。至王承元入朝。明年。王庭湊反。傳六世。有州七。恒易趙宋治恆州。

正今直隸盧龍。李懷仙。更三姓。傳五世。至劉總入朝。六月。朱克融反。傳十二世。有州九。幽薊莫易平治幽

州。今順天府大興縣淄青。李正己。傳五世而滅。有州十五。淄青齊海登萊沂密初治營州。後徙治鄆州。今山東

山南東道。梁崇義。及身而敗。有州六。襄鄆均房復鄆治襄州。襄今湖北滄景。程日華。傳三世。至程權入朝。十六年。而李全略有之。至其子同捷而滅。有州四。滄景治滄

州。今屬直隸河間府宣武。劉玄佐。傳四世而滅。有州四。汴宋治汴州。今河南

曹漢治汴州。今河南

開封府

彰義即淮西吳少誠傳三世而滅。有州三。蔡申治蔡州。今河南汝寧府

澤潞劉悟傳三世而滅。有州五。澤潞邢治潞州。今山西潞安府

藩鎮盛疆。代宗不能制。及德宗初政。勵精圖治。以劉晏判度支。以楊炎同平章事。一二舉措頗得宜。中外悅服。以爲可望太平。先是第五琦始權鹽以佐軍用。及晏代之。法益精密。初歲入錢六十萬緡。末年所入逾十倍。而人不厭苦。計一歲征賦所入。總一千二百萬緡。而鹽利居其大半。繼晏與韓滉分掌天下財賦。德宗素聞滉撙克。故罷其利權。而以晏兼之。唐初賦歛之法。曰租庸調。元宗末。版籍浸壞。及兵起。所在賦歛。迫趣取辦。無復常準。富民丁多。率爲官爲僧。以避課役。下戶旬輸月送。不勝困弊。率皆逃徙。其土著者。百無四五。至是炎建議。作兩稅法。凡百役之費。先度其數。而賦於人。量出制入。戶無主客。以見居爲簿。人無丁中。以貧富爲差。居人之稅。秋夏兩徵之。爲行商者。在所州縣。稅三十之一。其租庸雜徭悉省。而丁額不廢。民不土斷。而地著。不更版籍。而得其虛實。歲歛錢米孔饒。以供京外。天下便之。德宗欲乘此機。以削平藩鎮。會虜德李寶臣死。子惟岳求襲職。不許。遂與魏博。淄青。連兵拒命。梁崇義亦遙應之。後崇義惟岳雖死。而恆冀團練使王武俊。與盧龍朱滔。繼反。與田悅。魏博李納。淄青皆自稱王。推滔爲盟主。淮甯改淮西之名李希烈亦反應之。唐廷謀進討。徵兵四集。皆仰給度支。常賦不能供。判度支趙贊乃奏

行稅間架。每屋兩架爲間。上屋稅錢二千。中稅千。下稅除陌錢。公私給與及賣買每緡官留五

千爲率。敢隱錢百者杖六十。罰錢二。二法。於是愁怨之聲盈於遠近。會發涇原兵救襄城。過京師。

千賞告者錢十緡。賞錢皆出坐者。詔驍師。惟糲食菜餼。他一無所賜。衆怒作亂。以免間架陌錢爲號召。德宗如奉天。今陝西亂黨

遂奉朱泚。泚之僭號。賴渾瑊、李晟等赴援。始得平賊。歸長安。德宗有求治之志。而不知任賢。雖

有李泌、陸贄諸名臣。類委任不終。晚年糝政尤多。德宗後閱順宗而至憲宗。特英武。任賢相名

將。若杜黃裳、李絳、武元衡、裴度、李愬、高崇文輩。內修政事。外翦強藩。首平夏蜀。繼平淮西。淄青

河北諸鎮。亦先後歸命。盡遵朝廷約束。然憲宗意寔驕侈。好進奉。任宦閹。惑異端。賢臣多去位。

升平之業漸墮。至於末年。身陷大禍。崩後未幾。河北復叛。終唐世不能取。內而宦官益橫。遂爲

亡唐之禍階。

第六章 宦官之橫

唐初內侍省位置卑。勢力亦微。玄宗晚年。耽晏遊。宦者漸得勢。如高力士輩。當時勢傾內外。漸使省決奏。請肅宗在東宮。嘗兄事之。將相大臣。多由之進。肅代庸弱。倚宦者爲扞衛。故李輔國以尙父顯。程元振以援立奮。魚朝恩以軍容重。然猶未得常主兵。德宗卽位之初。卽悉以禁兵委宦者。及自奉天還。益忍宿將。握兵多者。稍稍罷之。以宦者分典禁旅。遂致威柄下移。凶讎日

熾。梟桀則養爲子。藩鎮爭出其門。雖有英君賢相。亦不能制。寢假而天子之死生廢立。皆出其手。厥後其黨旣殲。唐室亦從而淪喪。譬猶灼火攻蠹。蠹盡木焚。可哀也已。

憲宗晚年。惑於方士。服金丹。多躁怒。左右人人自危。元和十五年。暴崩。人以爲宦者陳宏志弑之也。諸宦官共立穆宗。其後合敬、文、武、宣、懿、僖、昭。凡八帝。皆由宦官擁立。文宗素患宦官專橫。與李訓、鄭注等謀。詐言有甘露降。命諸宦者往視。將聚而殲旃。謀洩。訓、注等皆遇害。將相吏民死者千數百人。數日之間。殺生除拜。皆決於宦者。自是天下事概歸北司。宰相行文書而已。時宰相論奏。諍爭不已。是非蠶起。文宗不能決。益以廷臣有朋黨之爭。其原始於穆宗時。一爲牛僧孺、李宗閔。一爲李德裕。各率其黨。互相擠援。以爭政權。逮宣宗世。黨禍始已。而宦官之專恣。已不可救藥。

武宗時相李德裕。資其謀略。約敕監軍宦者。不得預軍政。故用兵所向有功。大破回鶻。安撫黠憂斯。討平河東昭義。國威稍振。宣宗性明毅恭儉。初深自韜晦。比卽位。外乘吐蕃之衰。克復河湟。內則執法納諫。惜官賞。勤政事。惠愛民物。裁抑宦官。人稱小太宗。然藩鎮宦官之禍本。蟠踞已深。猝不能拔。宣宗崩後。懿宗、僖宗。皆闇主。日事奢侈佚游。賦斂愈急。政亂民流。所在盜起。唐室遂傾。

第七章 唐亡羣雄割據

僖宗乾符元年。濮州人王仙芝作亂。橫行河濟江淮間。既而爲官軍所破斬。其黨黃巢收餘衆南下。轉剽江南東西道。趣廣南。陷廣州。尋北還。經山南東道。渡江淮。陷東都。入長安。僖宗幸成都。巢遂僭號稱齊帝。

初。沙陀部叛吐蕃來歸。唐用以守西北邊。至是其酋長李克用。帥所部破巢。收復長安。巢將朱溫先降唐。賜名全忠。爲宣武節度使。克用頗輕侮之。全忠不平。發兵襲克用。克用走還晉陽。自是二人恆相讎。

僖宗崩。無嗣。弟昭宗立。有英氣。抱恢復之志。與宰相崔胤謀誅宦官。以朱全忠居近而勢大。召其兵。全忠初據汴。既而併兩河諸鎮。素有挾天子以令諸侯之意。乃率兵入京師。盡殺宦官。宦官擅權垂二百年。至是無噍類。全忠以功進爵梁王。威震四方。潛謀篡逆。殺崔胤。迫昭宗遷洛陽。時唐祚瀕危。豪傑起四方。相吞噬。其地大而稱王者。北有燕王劉仁恭。據幽州。有十八州。晉王李克用。據晉陽。有十七州。西有岐王李茂貞。據鳳翔。有秦隴二十州。蜀王建。據成都。并兩川。漢中有四十九州。南有吳王楊行密。據揚州。揚州今江蘇州府并江淮以南。西盡淮源。東暨於海。有二十八州。吳越王錢鏐。據杭州。杭州今浙江州府有浙東西十一州。楚王馬殷。據潭州。潭州今湖南長沙府并湖南桂管。

今廢有二十二州。外此復有南漢、劉隱。據廣州。有嶺南三十三州。閩王潮。據福州。弟審知嗣。有閩中五州。而朱全忠挾天子。據中原。地大兵強。既遷昭宗於洛陽。忌其有英氣。及聞李茂貞等移檄以興復爲辭。恐變生於中。遂弑之而立太子祝。是爲昭宣帝。時年甫十三。後三年。禪位於全忠。唐凡二百九十年而亡。

全忠既篡唐。國號梁。然北有晉、燕。西有岐、蜀。南有吳、吳越。諸國皆獨立一方。頻與梁爭。迄無有能混一全國者。中國內地既雲擾。外族吐蕃、回紇亦已俱衰。黠戛斯亦微。會契丹從東方起。遂爲東亞一大強國。故於下棋。卽首敘契丹勃興之形勢。

